

外證醫案彙編

外證醫案彙編卷四

陽湖趙能靜先生閱

陽羨余景和聽鴻甫編輯
會稽孫思恭順齋甫校刊

內部

○內癰

江甯唐咳嗽久延。肝肺絡傷。時吐穢痰。脈來洪數。防成內癰。際此酷暑。有日重之勢。

旋覆花 蘇子

萸皮

桑葉

代赭石

新會白 杏仁

紫苑

生西瓜仁

覆方 脈數稍緩。胃氣較前甦復。金水有生之兆。嗆咳亦稀。吐

痰仍穢。不可專治其肺。理宜培土。佐以清肅。可漸臻佳境矣。

紫苑

橘白

川貝

萸仁

桔梗

米仁

蘇子

枳櫛

梨皮

西瓜仁

青浦施

腹痛嘔逆。蛔虵盤踞中焦。兼挾積滯。防成內癰。

使君子

枳櫛

臭蕪荑

山楂

藿梗

蘆粟子

麥芽

六神麴

廣皮

枳殼

楓涇謝

腹痛氣逆。臍傍微腫。延久不散。恐成內癰。擬疎肝降氣。

以圖徐效。

沉香

烏藥

檀香

川鬱金

蘇梗

右藥為末。薤白泡湯送下。

上海膠 平昔食物恣意膏粱以致火熱與寒濕交阻腸胃氣機不通火鬱成癰自內發外痛牽胸肋防傷內膜珠為堪虞用疎導之法以便通積下為鬆候。

官桂

沉香

建麵

陳皮

冬瓜子

厚樸

枳殼

赤苓

枳榔

薤白頭

震澤倪 肝氣橫逆脾土受戕不能運行左偏脇肋作痛時作時止但久痛必傷血絡防其成癰宜導瘀開洩以望輕機。

炙橘葉

新絳

鉤藤

歸鬚

米仁

遠志炭

沉香

廣皮

蘇梗

桃仁

覆方 瘀下痛減病去七八惟飲食甚微理宜扶胃佐以宣通。

枇杷葉

陳皮

穀芽

蘇子

木瓜

威靈仙

麻仁

川石斛

濮院李

內傷肝絡臍旁作痛較生癰更甚不可輕視。

廷胡

沉香

枳殼

青皮

陳皮

歸鬚

丹參

新絳

金壇袁

氣滯少腹逆痛經旬防成內癰。

焦神麴

蘇子

沉香

陳皮

青皮

炒查核

枳殼

木香

枳櫛

葱管

今另立內癰一門在於腹部皮裏膜外或在絡脈或六腑壅滯因其病在將成未成之間無名可徵故總言曰內癰經云五臟

不和七竅不通六腑不和留積為癰臟腑不和而瘡發於外也
榮衛稽留於經脈之中則血泣而不行衛氣從之而不通
壅遏不行故大熱不止熱勝肉腐腐則為膿人之胸腹有十一
募募者各臟腑陰會之所發內癰內疽在何經本經募上肉必
浮腫募中時時隱痛浮腫為癰隱痛為疽根淺者為癰根深者
為疽郛以治癰疽者癰者血之壅也疽者氣之阻也故癰色紅
屬陽疽色白屬陰氣血壅阻六腑以通為補六腑之症宜先通
之五藏屬陰血之壅者宜溫以消之內癰初起治法不出理氣
消瘀通絡今輯九方皆內癰始起之時不在臟腑癰疽已潰之
倒若乃因循不治恐其成膿內攻腐腸爛胃穿膜潰腹不可救

矣。余聽鴻註

附治驗 常熟鐘樓頭潘姓。賣熟火腿燻雞者。是日陰雨。挑擔進東門路。滑跌仆。環跳作痛。延傷科治之。投附桂炮薑等。大熱藥。三劑。痛稍緩。更方仍進附桂等一劑。少腹猝然絞痛如刀刺。皆凝發痧。就余寓診之。脈數有力。少腹大痛。余曰。此謂大熱不止。熱勝肉腐。若不速下。腸胃腐爛矣。即用調胃承氣湯。大劑服。後下五六次。肛門灼熱不堪。腹痛已減七八分。明日又服大黃。錢三原方減半下。三四次。病已霍然。

常熟縣南街朱益大火腿醃臘店內。一童十三歲。在樓上失足墜下。當時悶絕。後延傷科治愈。停八九日。漸起寒熱。延他醫治。

此病此病中
 傷風感冒
 仁承氣湯
 上以厚麻
 下以承氣
 下以承氣
 下以承氣

之進。芩、翹、桅、豉等。服後。腹膨如鼓。氣促。冷汗。欲脫之狀。邀余診。詢病始末。余曰。痰停氣阻。被寒冷凝結。不可遲下。然下之又恐驟脫。進以桃核承氣湯。重桂。用大黃錢四。余曰。若不下。恐氣阻不通。危在頃刻。若下。又恐驟脫。以屬兩難之勢。服後不下。再進一劑。下三四次。氣平腹舒。病已霍然。所以治病不但藥調。就對症進藥。病重藥輕。亦為善調。此兩症皆屬氣血壅阻。一因熱阻。一因寒阻。一方寒下。一方溫下。如此皆在臨症權變也。余憶鴻誌。

肺癰 附癰

唯亭徐 肺癰延久其將癢矣。

北沙參 冬瓜仁 茯苓 穀芽 丹皮

生米仁 地骨皮 鮮藕

湖州李 肝陽內熾。肺金受灼。以致咳嗆綿綿。吐痰臭穢。正屬肺癰。時值炎暑。有日重之勢。幸納穀仍健。脈不數大。可恃。可以無恐。且與清肅之法。

白石英 瓜蒌皮 川貝母 米仁 花粉

紫苑茸 款冬花 西瓜仁 橘白

江甯周 咳嗽經久。今交冬。令氣不降納。反傷陽絡。痰中帶血。痰濁不鮮。脈來洪數。而額赤色。此由素常好飲濕熱內蘊。又加夏秋暑熱夾滯。肺臟受傷。症為肺癰重候。勉擬清肅止血。後商益補。

洋參

懷牛膝

冬瓜仁

杏仁

米仁

茯苓

清阿膠

生蛤殼

太倉葉

風邪久鬱。肺藏蘊熱。咳吐穢痰腥臭。胸內中府穴隱隱

作痛。

言聽按此其穴

是屬肺癰。垂膿未成。急與疎散法。

煨葛根

丹參

杏仁

花粉

大豆黃卷

地骨皮

萸仁

蛤殼

薄荷

桑皮

樟堰王

咳傷肺臟。隱隱作痛。頻吐穢痰。成為肺癰。脈見洪大。理

宜清肅。佐以培土為主。

粉沙參

麥冬

米仁

茯苓

蔗漿炒竹茹

地骨皮

玉竹

杏仁

萸仁

稽豆皮

木瀆周 咳吐久纏痰色黃膩上膈隱隱作痛。聽按以痰帶血腥。

右寸脈浮花。聽按此以肺氣虛言明係肺癰脾為肺母急治其母俾土旺

金生。聽按因脈浮花補土庶幾肺也有附。

黨參 茯苓 川石斛 黃芪 川貝

冬朮 廣皮 甜杏仁 桑皮 桔梗

無錫湯 咳吐穢痰肺癰已成胃憊聲嘶深為可慮。

代赭石 蘇子 檳榔 通草 紫苑茸

旋覆花 杏仁 花粉 竹茹

巴城盛 久咳傷肺肺為嬌臟居於至高中有二十四竅行列分布諸臟之氣司清濁之氣運化清肅不能下行遂致肺中清竅

蒙蔽蘊熱成癰。臭穢膿痰。綿吐不已。夏秋深為可慮。所喜胃陽

未困。

聽按看肺癰胃氣最要緊

猶餘一線生機。

白石英

紫苑

瓜蒌仁

桑葉

蘆根

馬兜鈴

川貝

冬瓜仁

竹茹

江陰梁 咳嗽痰稠。咽乾膚燥。腹肋刺痛。肝肺兩絡氣分受傷。發

為肺癰。宜清肺鎮肝。冀咳減痰少。不致咯血。可望向安。

旋覆花

桑皮

萋仁

紫苑

杏仁

代赭石

蘇子

白前

沉香

唐栖王

咳出膿血。氣口脈數。

聽按此脈言

非肺癰而何耶。

淮小麥

甘草節

桃仁

米仁

天冬

冬瓜仁 蘆根鬚 白前

橫淫宋 久嗽音啞。咽痛。近復惡寒。頭痛。風熱復傷肺絡。肺氣不
清。防成肺癰。

北沙參 桑葉 橘紅 丹參 蘇葉

牛蒡子 黃芩 元參 杏仁 茅根

南潯丁 咳噎。胸膈不舒。厥陰內熾。又值炎夏。金奚堪燥。所致腥
穢膿痰。吐之不已。成為肺癰重候。喜其胃陽未困。治之猶可奏
功。

金沸草 蘇子 桑葉 橘葉 藕

西瓜仁 瓜蒌 枇杷葉

金澤史

咳逆胸高隱痛不舒。肺氣閉鬱。鬱盛則熱。熱久成癰。吐

痰臭穢。兼之咯血。虛怯之症。難取效於藥力。

北沙參

川石斛

川貝

薏仁

花粉

馬兜鈴

枇杷葉

桑葉

嫩竹衣

覆方 聲音稍亮。咳嗽略減。飲食漸進。頗有鬆機。惟痰血仍吐不
已。晡熱未退。不外肺鬱積滿之故。呆補有妨。氣機再擬汁飲法。
冀其轉旋。

甜杏酪

蔗漿

鮮斛汁

藕汁

梨汁

枇杷露

穀露

茅根汁

肺居至高。其形象天。重藥不能及。用藥輕者。上也。露汁。藥中最

輕者治其最高之臟肺金滋潤則胃土柔和胃亦能輸津於肺所謂天氣下降為雨地氣上騰為雲金土生化有機轉旋不息之妙後人不可以其平淡將金玉之方棄如瓦礫也臨註

北垓楊 肺癰自春至夏丙火燠金所以膿痰愈吐膚燥咽乾右寸脈芤納穀漸少脾土蹭蹬顧肺無能另有變證倉猝禍起矣

紫苑

地骨皮

茜根

姜仁

川石斛

米仁

冬桑葉

蘇子

川貝

藕

嘉興張 風溫襲肺咳嗆兩月未曾暢汗胸膈隱痛吐痰腥穢肺癰之象已成擬清理肺熱

馬兜鈴

米仁

荊芥

橘白

蘇子

大豆卷

川貝

杏仁

石斛

竹茹

蘆墟卜

咳嗽脇痛風溫久鬱肺胃防成肺癰宜清熱解表主之

杏仁

薄荷

滑石

蘆根

枳殼

荊芥

連翹

赤苓

牛蒡子

東山屠

病因肝肺不和去年夏季曾患癩癰之疾入秋咳嗽自

冬至春胸滿氣急吐痰黃膩兼帶臭穢證屬肺癰所幸脈不細

數形質不尪羸就病擬方從肝肺主治

桑葉

杏仁

川貝

蘇子

橘紅

茯苓

玉竹

甘草

竹茹

旋覆花

周莊李

風熱傷肺咳嗽痰臭音啞防成肺癰

牛蒡子

薄荷

蘇葉

桑葉

杏仁

海浮石

川貝

橘紅

米仁

茅根

唯亭蔡

肺癰稍愈復起水種。子令母虛。金土兩傷。勿輕視之。

煨葛根

新會皮

扁豆皮

冬瓜皮

桑白皮

車前子

地骨皮

地栗根

生穀芽

赤苓

浦東施

神怯胃減。痰喘氣急。盜汗脈軟。肺液衰矣。治擬順氣生

津。

紫苑

馬兜鈴

米仁

石斛

川貝

杏仁

白石英

橘紅

茯苓

糯朮

附代茶方

枇杷葉 西瓜翠 芽根 鮮荳蔻葉

扁豆皮 糯稻秧 蘆根 藕汁

右藥吊露代茶常服

覆方 形神稍健。胃氣漸開。咳減痰清。即有向愈之期。擬與調補。

黨參 黃芪 炙草 川貝 甜杏仁

於朮 茯苓 橘紅 麥冬 五味子

崇明曹 勞倦失力。咳嗽咽痛。防成肺癰。

旋覆花 杏仁 姜仁 桔梗

桑白皮 桃仁 蘇子 通草

宜興朱 肺癰痰中見血。胸悶脇痛。肝肺絡傷。寒熱欲嘔。暑邪互結於胸。正虛邪實。怕血傾吐。

青蘘梗

陳淮麥

厚樸

檳榔

橘紅

代赭石

旋覆花

葛根

杏仁

藕

覆方 服藥安適。暑邪已去。脇痛亦止。咳減痰清。漸臻佳境。胸悶仍然不舒。此亦肺熱未楚。擬滋水清金。佐以降納。可免失血之慮。

北沙參

杏仁

桑皮

通草

蘇子

白石英

枳殼

沉香

血餘

赭石

金澤衛 痰喘氣逆。咳嗽脇痛。肺癰之兆已見。法擬苦以洩之。酸

以收之之義

桑皮

杏仁

川貝

橘紅

百合

白芍

蘇子

枳殼

知母

蘆根

烏鎮威

痰氣交阻。咳喘氣短。所吐之痰。色綠而臭。右肋作痛。是

肺癰之重證也。

半夏

薏仁

新絳

枇杷葉

橘紅

杏仁

通草

蘇子

青葱管

桑葉

蠶豎段

風熱是外感。濕熱是內傷。咳嗽痰中帶血。氣腥而臭。係

風濕閉鬱。濕熱薰蒸。成為肺癰內症矣。平昔嗜飲。今當痛戒。

米仁

冬瓜仁

茯苓

蘆根

桑葉

桃仁 苦杏仁

吳江朱 肺熱咳嗽痰腥氣穢防成肺癰姑擬清燥熱之治

羚羊角 薏苡仁 桑葉 蘆根 茯苓

白蒺藜 橘紅 川貝

洙涇衛 痰瘡未愈又見嗆咳痰膩腥穢防成肺癰理宜潤肺清
肅之治

老蘇梗 瓜蒌霜 桑葉 茯苓 鉤藤

杏仁霜 炒蘇子 橘紅 枇杷葉

某 氣鬱單腹中空無物卧則氣塞濁飲上沖漸有不得安卧之
象問其起病之由多是惱怒動肝為肝木鬱傷脾土脾失健運

氣阻成脹。延及百日。正氣愈虛。濁更堅凝。逆走攻肺。上咳。氣逆。欲喘。腕中蘊熱。欬出膿血。病根固在肝脾。今已傳及肺部。丹溪曰。養金制木。脾無賊邪之害。滋水制火。肺得清化之權。目下至要。務在順氣。胸中開爽。寢食不廢。使可從容論治。不然。春分節近。更屬難調矣。先用宣通上焦法。

大腹皮

薑皮

厚樸

紫苑

黑山梔

茯苓皮

桑皮

杏仁

鬱金

服兩劑後。早服腎氣丸。晚服四君子湯。

某久咳痰穢。膿血交作。並非肺癰。此褚氏所謂難名之疾也。病涉少陰。而陰火甚熾。以飲食消息之。

猪膚

蛤殼

海參

川貝

梨汁

米仁根

某 缺盆右痛。肺絡受傷。宜清補兼施。

生地

瓜蒌藤

川斛

川貝

白芨末

阿膠

側柏葉

蘇梗

牡蠣

大麥冬

沙參

藕節炭

用梨汁拌藥三次柿餅搗丸

吳 失血在五年前。咳頻嘔噦。氣自上衝逆。乃下元精血之虛。非

外邪寒熱之歟。痰出腥氣。亦從下出。節慾勿勞力。胃壯可免勞

怯。

都氣丸

其脈數咳血。曾咯腥痰。若作肺癰。體質木火。因煩勞。陽升逼肺。肺熱不能生水。陰愈虧。陽愈熾。故血由陽而出也。當金水同療。為主。

熟地兩四 生地兩二 海參膠兩二 石斛膏兩四 女貞兩一錢五

龜版兩三 麥冬兩二 旱蓮草兩一錢五 淡菜膠兩二 天冬兩二

茯神兩二 北沙參兩二 膠膏丸

陸脈數。血後咳甚。痰腥肢腫。陽升。內風鼓動。最屬難治。

生地 阿膠 天冬 麥冬 白芍

茯神

孫 用力。氣逆血亂。咳出腥痰濁血。用

千金葦莖湯。

某 邪鬱熱壅。咳吐膿血音啞。

麻杏石膏湯加桔梗。苁仁。桃仁。紫苑。

褚 溫邪中自口鼻。始而入肺。為咳喘。繼傳膈中。則噎血。乃心營肺衛受邪。然邪在上焦。壅遏阻氣。必聚為熱。痰臭噎渴。是欲內閉。惜不以河間三焦立法。或謂傷寒主六經。或謂肺癰專泄氣血。致熱無出路。胸突腹大。危期至速矣。即有對症藥餌。氣湧沸騰。勢必湧吐無餘。焉望有濟。夫溫熱穢濁。填塞內竅。神識昏迷。脹悶欲絕者。須以芳香宣竅。佐牛黃金箔。深入藏絡。以搜錮閉。

之邪。今危焉若此。百中圖一而已。此素最易作肺癰誤治特此錄出須知風溫熱瘧於肺一條

紫雪丹

丙戌冬大溫無雨雪丁亥春起咳喘常熱專以蘆根橄欖湯多服後咳喘音啞咳吐臭穢腥痰余以麻杏三青湯合千金華蓋膏湯治愈最多惟

馬培之先生與余言曰肺癰切勿用外科全生集之犀黃丸服者多死余思肺癰成膿芳香易於竅絡倘膿潰之後填補之劑恐不及多服芳香竅通裏膜氣泄肺癰而死或者王鴻緒因風溫壅塞偶用應手故傳於後然徐洵溪先生亦喜用余以用在將成之時還可若用於成膿已潰之後無有不死者愚者千慮或有一得

○肺痿

洪三 勞煩經營陽氣弛張即冬溫外因咳嗽亦是氣泄邪侵辛

以散邪。苦以降逆。希冀嗽止。而肺欲辛。過辛則正氣散失。音不能揚。色消吐涎。喉痺。是肺痿。難治矣。仿內經氣味過辛。主以甘緩。

北沙參 麥冬

飴糖

南棗

查二脈細。心熱。呼吸有音。夜寤不寐。過服發散。氣泄陽復。為肺痿之病。仲景法以胃藥補母。救子。崇生氣也。

金匱麥門冬湯

徐 肺痿頻吐涎沫。食物不下。並不渴飲。豈是實火。津液蕩盡。二便日少。宗仲景甘藥理胃。乃虛則補母。仍佐宣通腕間之扞格。

人參

熟半夏

生甘草

南棗肉

麥冬

白梗米

沈 積勞憂思。固是內傷。冬溫觸入。而為咳嗽。乃氣分先虛。而邪得外透。辛散斯氣。分愈泄。滋陰非能安上。咽痛音啞。虛中邪伏。恰值春暖陽和。脈中脈外。氣機流行。所以小效。旬日者。生陽漸振之象。穀雨暴冷驟加。衛陽久弱。不能擁護。致小愈病復。診得脈數而虛。偏大於右寸。口吐涎沫。不能多飲湯水。面色少華。五心多熱。而足背浮腫。古人謂金空則鳴。金實則無聲。金破碎亦無聲。是為肺病顯然。然內傷虛餒為多。虛則補母。胃土是也。肺痿之病。議仲景麥門冬湯。

濮院孫 內外熱蒸。咳嗽脈細而數。舌絳漸光。肺液暗耗。延成肺

痿。非小恙也。

銀柴胡 地骨皮 蛤殼 穀芽 甜杏仁

浮淮麥 枇杷葉 石斛 橘紅

王 潰瘍。流膿經年。脈細色奪。聲嘶食減。咳嗽喉中梗痛。皆漏損
脂液。陰失內守。陽失外衛。肺痿之疴。諒難全好。

人參 黃芪 苡仁 天草 歸身

白芨

顧 久咳。神衰氣促。汗出。此屬肺痿。

黃芪 蜜炙 生苡仁 白百合 黑甘草

白芨 南棗 水熬膏米飲湯送

湯 肺氣不降。咳痰嘔逆。

鮮蘆根 桃仁 絲瓜子 苡米

肺癰肺痿。雖同一肺經。治法大異。癰者。壅也。壅則不通。痿者。萎也。萎而不振。癰為邪實。痿為正虛。如肺癰之症。咳必暴。來必速。膈中隱痛。氣粗脈數。洪實。吐痰膿血。膩厚如豆汁。臭穢不堪。肺痿之症。咳必漸。來必緩。膈中不痛。氣餒脈數虛大。吐痰白膩。柔如米粥。雖臭不甚。看肺癰肺痿。總以胃氣為先。有胃氣納穀。穀者。肺之穀也。米色白。屬肺。味甘屬胃。藉土生金。子有母依。雖重可治。若胃氣一敗。面紅膈熱。煩躁不甯。喘促嘔膿不休。或精神極倦。俱屬難治。金匱云。始萌可救。成膿必死。仲景使後人。肺癰

早治。勿致成膿。延久。肺痿葉敗。多致不救。然肺癰成膿之後。能
胃氣不憊。正可支持。用藥謹慎。調理得法。十中可全四五。余見
已多。未必竟為死症。治肺癰之法。如始萌之時。將一通字著力。
通則壅去。壅去可消。肺葉雖壞無幾。元氣未傷。愈之亦速。故仲
聖戒後學。即速通之。然通之一法。全在臨症之人。若風寒積飲
壅塞。以小青龍湯微之。水氣溢肺壅塞。以葶藶大棗湯瀉之。火
熱之毒結聚壅塞。以皂莢丸攻之。痰血相裹壅塞。以澤漆湯吐
之。風寒襲肺。痰凝飲阻。氣機壅塞。以射干麻黃湯開之。膿已將
成。以桔梗湯提之。風鬱化熱。積飲化熱壅塞。肺脹而喘者。以越
婢加半夏。小青龍加石膏湯驅之。逐之。痰阻膿欲將成壅塞。以

三物白散下之。以上之法。皆各分其因。從上從下。從表從裏。即
速通之。通則不壅之義也。如成膿已潰。治法亦要變更。潰後元
氣已傷。肺葉漸壞。若專於通攻穿裏膜。氣泄肺痛而死矣。故治
法不得不從緩而變更也。與肺痿之法相近矣。若已潰之後。膿
血不盡。以千金葦莖湯。桃仁。消漸積之痰。葦莖。清肺熱。而通肺
竅。次米泄。肺熱消。久積肺中之水。飲瓜瓣。能生朽腐中之生氣。
不致再潰。漸可暗生其肌。如餘熱未盡。胃氣不甦者。金匱麥門
冬湯。取半夏滑利。佐以甘涼。肺竅中瘀血餘膿可去。助胃土。以
生金。如氣已虛。熱毒未解。千金一味甘草湯。甘以培土。而兼解
毒。此治肺癰之大略。肺痿者。萎而不振之象。痿屬氣虛。而津少。

如草卉之痿。烈火薰蒸而萎。寒凜凝結亦能萎。或汗或吐。或利小便。或亡津液。肺燥則痿。金匱麥門湯。千金甘草湯。如肺中冷。多涎沫。上不能制。下焦陽氣不能上承。少蒸化之權。肺不能布精諸藏。下焦反不能蒸化津液。上供於肺。肺冷故也。以甘草乾薑湯。如氣阻涎凝。千金桂枝芍藥加皁莢湯。肺中冷。津液極少者。千金炙甘草湯。氣虛欲痿。黃芪甘草湯。肺冷氣虛。胃弱。千金生薑甘草湯。肺癰潰後。若不固正。亦可成痿。痿症始起。若鑿補亦可成癰。癰痿兩症。雖有虛實之分。實中夾虛。虛中夾實。臨時變化。用藥精當。如一有不慎。禍不旋踵矣。此皆金匱肺癰肺痿之大概也。然金匱方法。先聖之規模。方症合符。投之如鼓應桴。

如鍼刺芥。若方症不合。誤用。則有毫釐千里之殊。後賢無此力。
 量不敢輕用。先聖之方。大有更異。余思肺為嬌藏。居於至高外。
 合皮毛。六氣之邪。肺先受之。肺被邪阻。壅塞。皆可為癰。咳久肺
 虛。皆可為癰。癰痿始起。各有其因。若風溫襲肺。壅塞不通。以辛
 涼解之。風寒鬱於肺中。辛溫散之。無菊飲、銀翹散、麻黃杏子石
青湯、芎蘇飲、杏蘇散、大青龍
湯、麻黃湯、蘇子降氣湯之類。擇而用之。若火熱刑金。肺熱葉舉。壅塞不通。治以辛
 涼。參以甘涼。清之泄之。白虎湯、瀉白散、竹葉石膏湯、葦莖湯、若
生脉散、二母散、桔梗湯、三石散之類。若
 水氣上停。積飲溢肺。壅塞不通者。治以苦溫淡泄。小青龍湯、葶
蘇杏子湯、小半夏加茯苓湯、桂苓木甘飲、越婢
湯、二味麥門冬湯、清肺飲之類。俱可斟酌用之。若燥氣傷金。津
 液煎熬。膠結為痰。粘滯肺竅。壅塞不通。治以清之潤之。金匱麥
門冬湯。

清燥救肺湯、天甘草湯、三才湯、桑麻丸、三子湯、瓊玉膏、清燥湯、
五汁飲、桑白皮等汁、十味煎、千金薑蜜丸、玉竹麥冬湯、玉女煎、
牛乳飲、百合湯、貝母瓜蒌散、百花膏、滋陰清化丸、與久咳肺癆、合而詳用之、此等皆避重就輕、杜漸

防微早治之法、因病進藥、不致成癰、倘成癰之後、雖用金匱各
法、不亦晚乎、若肺癰始萌之時、又不能辨症、延時日、聽其成
膿內潰、豈不更晚也、余愧不敢隨錄各方、治於未成之前、惟願
高明參酌、今輯四十八方、皆見症施治、不拘金匱成法、避重就
輕、實皆從古法中脫化而出、初學之士、能將此篇方論潛心默
契、再考博羣書、肺經癰癢、雖不求有功、先可保其無過、莫笑鄙
言迂拙、治病不求有功、不如不治、然今看內癰者、能六氣虛實、
癰癢將成、已成、辨別清熱藥、必中病、能有幾人、若能細心審症、

用藥之難不能見速功而無大過者亦醫之上工矣
瓜蒌說
瓜蒌即瓜子總而言之余以內癰之要藥不獨治肺癰一症何
也如瓜子在瓜中日久瓜已朽腐其瓜子生全能存朽腐潰爛
中生生之氣余內癰潰後無所不用肺癰用西瓜子取其形似
肺天生白虎湯可清肺金肺癰胃癰用東瓜子取形象腹肺屬
金胃屬陽明燥金俱色白肝癰用絲瓜子肝色青主筋絡絲瓜
取其色青有絡也腸癰用甜瓜子取其質直色白大腸燥金色
白質亦直而通也其餘內癰瓜蒌子均可酌用

用藥之難不能見速功而無大過者亦醫之上工矣
瓜蒌說

瓜蒌即瓜子總而言之余以內癰之要藥不獨治肺癰一症何
也如瓜子在瓜中日久瓜已朽腐其瓜子生全能存朽腐潰爛
中生生之氣余內癰潰後無所不用肺癰用西瓜子取其形似
肺天生白虎湯可清肺金肺癰胃癰用東瓜子取形象腹肺屬
金胃屬陽明燥金俱色白肝癰用絲瓜子肝色青主筋絡絲瓜
取其色青有絡也腸癰用甜瓜子取其質直色白大腸燥金色
白質亦直而通也其餘內癰瓜蒌子均可酌用

華莖說

蘆葦一物兩種葦粗大而質鬆蘆細硬而質堅皆中空後人俱用蘆根取其色白味甘清肺胃之正藥如肺胃熱甚可用如肺癰潰膿之後正氣已虛熱勢已退多服寒涼敗脾戕胃肺之小管最多餘膿膠粘其中搜剔不淨千金用葦莖取其性中通可入通肺之小竅搜剔管內餘膿通其筋絡之氣通不致壅塞釀成後患若再用蘆根使虛陽上騰胃氣更弱余治肺癰潰膿之後正氣已虛餘膿不盡以乾葦梗頂上花下嫩管去節用如膿將成熟尚未盡用鮮葦梗頂上嫩管取其上者也肺位最上葦性中空善通領桃仁入肺中搜剔瘀血敗膿使苡米洩其已蓄之水肺之清肅可行穢濁朽腐可却藉瓜瓣生氣可生喻嘉

言先生曰。千金葦莖湯。此方堂堂正正之師也。吾師曰。葦莖湯。諸內癰成膿。俱可治。不獨肺之一藏也。此肺癰。肺痿。及瓜蒌。葦莖等說。皆先師實蘭求先生庭訓之。今遂筆錄之。實之高明。則正。○蘆。釋名。葦。葦者。倅也。蘆之大者也。其葉附於莖。治肺癰。用葦上嫩梗。即葦莖耳。頗疑。能靜註。

徐靈胎先生治蘇州錢復庵。咳血不止。諸醫以血證治之。病益劇。往視見其吐血滿地。細審之中。似有膿而腥臭者。曰。此肺癰也。膿已成矣。金匱云。成膿則死。然有生者。遂多方治之。病者亦始終相信。一月而愈。蓋平日因此證甚多。集唐人以來治肺癰之法。用甘涼之藥。以清其火。滋潤之藥。以養其血。滑降之藥。以祛其痰。芳香之藥。以通其氣。更以珠黃之藥。解其毒。金石之藥。

填其空兼數法而治之屢試必驗今治錢君兼此數法而痊強

健逾舊幾二十年矣按徐氏存案有法無藥此皆然此亦先生藏拙處免得後人吹毛求疵然後人無

從立法不若葉香巖先生臨症指南方索兼備可採共意可師其法

附治驗常熟西街徐姓金陵人年五十餘因子動怒兼鬱咳嗽

吐痰延戴姓醫治之進以木香厚樸豆豉牛蒡等咳更甚面紅

痰沫頻吐起坐不安前醫見其面紅煩躁進以鮮生地鮮石斛

翹桅芩連等更甚吾友仲鳴徐君偕往診之脈虛大無力煩躁

面赤舌白底絳頻頻吐痰滿地白膩如米飲雖臭不甚余曰燥

傷肺金再以苦寒中陽阻遏不通肺無肅化之權清陽不能上

升下之津液不能上承於肺肺之水蓄不能下行愈吐愈乾肺

將痿矣。即用千金炙甘草湯原方。取薑桂之辛。速開中宮。阻隔之陽。引酸鹹柔潤之藥下行。化津液救上之燥。取參、草、棗培土壯氣。使土氣可以生金。麥冬、麻仁潤肺。而柔陽明燥金。加苡米洩上蓄之水下濕。清肅下降。津液上承。後人畏用薑桂。何也。不知大雨雪之前。天必先溫。一派柔膩陰藥。賴辛甘之味。可以通陽。藉其蒸化之權。下焦津液上騰。肺之清氣自可下降。雲蒸雨施。故無疑耳。照方服兩帖。痰沫已盡。咳嗽亦止。後服甘涼清潤。生黃芪、北沙參、百合、玉竹、川貝、枇杷膏、甘草。壯氣潤肺。清熱十餘劑而痊。今已五六年。強健逾昔。古人立方。不欺後學。人言將古方治今病。如拆舊屋造新房。使後人擬古酌今。非使後學不

用古方也。余聽鴻誌

常熟鼎山高渭榮。始春初咳嗽。至春仲。痰中帶血。味兼腥穢。延他醫治之。進牛蒡、豆豉、枳殼、厚樸等。服後愈甚。邀余診。脈細數無力。咳滄痰血。味臭。曰。肺癰膿成。胸有隱痛。絡瘀尚未化膿。尚有壅塞。肺葉所壞無幾。急速開提。使膿外出。不致再潰。他藥擬桔梗、甘草湯。金匱旋覆花湯。合千金葶藶湯。因其膿成無熱。用蘆頭管乾者一兩。煎湯代水。服三劑。每日吐血膿臭痰一茶盞。至四日。膿盡而吐鮮血。臭味亦減。未盡時。前劑去桃仁、桔梗。加枇杷葉、萊豆皮等。服五六劑。血盡。再進以金匱麥門湯。千金甘草等。加沙參、石斛、百合等。清肺養胃而愈。再以甘涼培土生金。

調理一月。強健如故。後有常熟白龍港某。於高渭榮友。二人酒肆中。同。日咳嗽。亦生肺癰。至高渭榮病愈。往探之。即邀余診之。脈已伏。膿血臭甚。傾吐滿地。裸體臥床。用扇扇之。口中關要食西瓜。飲冷水。他人摸之。體若寒冰。衆人詢問何如。余曰。肺已爛盡。一身之陽氣俱從外洩。危在頃刻。盧扁再生。亦無治法。至夜而歿。仲景諄諄誠之。成膿不收。使人早治。然成膿日久。不治必死。治不得法。亦死者多。余聽鴻誌

丙戌冬。溫不寒。常熱。風氣終年。喜食蘆根。橄欖。至春初。驟寒。冬溫內伏。經春咳嗽音啞。咳痰不能出。漸漸痰味變腥臭。膿血甚多。此症皆以麻黃甘草杏子石膏湯。大青龍湯。加半夏。得效極

多。有富貴之體。畏不敢服。延久俱成癰者。皆病家自誤耳。

某寺和尚。冬溫咳嗽。每日飲橄欖蘆根湯。數十日。咳嗆日久。痰臭不出。就余寓診。脈右寸關數大而硬。時有鼓指。余曰。喉中痰少而臭。脈見右大鼓指。肺癰已經成膿。急宜開提。使膿傾吐。免潰他葉。以甘草桔梗千金葦莖法。服後吐出臭膩黃色膿痰。碗餘。因其膿出太多。氣短納少。余曰。久咳膿多。肺葉敗壞。欲痿之勢。進炙甘草湯。他醫見之曰。此是酒勞。被其誤治。先服桃仁。後服薑桂。皆非治法。不知古人立方有奇偶佐使。後延他醫治之。遷延月餘。吐膿不止而歿。常熟東門某姓。年將周甲。素喜酒。痰飲咳疾有年。余每以橘半六君桂苓朮甘等服之。皆效。是年咳

疾又發。有其某親者。亦讀書。實為闕切。與服牛蒡、豆豉、枳、橘等。六七劑。咳吐白痰不休。漸漸神昏目瞑。嚙語粘衣。摸床舌薄白。不渴飲。是晚邀余診。脈虛緩無力。痰如米粥。盥碗余曰。此肺液吐多。肺已痿矣。況喻嘉言先生曰。肺痿見其舌白。恣膽用燥藥。令其燄燄自焚而死。都醫羅加等。即與千金炙甘草湯服兩劑。痰漸少。稍能言語。進穀神識亦清。後其親至。因舌白不渴。膩藥難進。投以芳香甘溫。砂仁、棗仁、木香之類。兩帖而逝。然生死雖有定數。冥冥中自有主司。不過我等落在其中。一呼即到。奔如牛馬。稍有延遲。病家不悅。謀衣謀食。作此賤役。無所推諉。凡涉獵醫書之人。溫飽自安。親朋之中。實為闕切。若不深思研究。病

變百端。豈堪輕試。所云學醫費人。能勿懼耶。徐靈胎先生醫論中言之已詳。余不敢贅言矣。余聽鴻

長田岸有孩六歲。正喫飯。被母打一下。大哭。飯正滿口。有飯噎入肺竅中。後見咳嗽。無寒熱。飲食二便如常。就余診。服肅肺清散之品。五六劑。見有寒熱。飲食漸減。又停半月。來診。見痰中血絲色殷。而少胸中隱痛。服葦莖湯。合疎開肺氣罔效。細詢其病之始末。其母云。喫飯大哭。噎後。起咳嗽。月餘。見血。後口中臭穢。余細視血中白點微黃膿也。余思食物噎入肺管。壅塞為患。將燈心刺入鼻孔。使其噴嚏。吹以皂角末。後得嚏。痰血稍多。再將旱煙噴之。使其咳更甚。咳甚。大哭作嘔。嘔血塊兩枚。如蚕豆大。

兼膿痰。余將血塊拈起。剔開。中有白色朽腐如飯米形。服以葦
莖湯。合金匱旋覆花意。另服阜英丸。一日一粒。服藥三劑。丸三
粒。膿血清楚。再服麥門冬湯。加枇杷葉、沙參、石斛之類而愈。故
人飲食之間不可多言喜笑。倘有物噎入肺管。成癰。醫不能知。
自不能知。釀成大患。此孩幸是藜藿農家。聽醫所為。若紳宦之
家。嬌養柔嫩。就醫肯如此。病家不願。病家肯如此。醫亦避嫌不
施。治病之弊如此。誤於醫者多。而誤於病者亦多。余治肺癰皆
宗金匱法最多。芳香金石之品。從未敢輕試耳。鮮車前草搗汁
服肺胃癰咳臭

膿最效 余聽鳴註

○胃癰

丹陽柳 寒熱類瘧中脫穴隱痛聽按最要處微腫不咳嗽咯吐膿血

聽按與肺有別即此是胃瘕也脈沉而數仿立齋壯胃氣為先法

川石斛 穀芽 米仁 黃芪皮 冬瓜子

冬桑葉 薑仁 橘皮

田涇屈 中脫穴腫痛不可忍此食積與七情之火互結陽明不得宣通成瘕有兆擬理氣消積以冀痛減

半夏麴 檳榔 青皮 葛根 大麥仁

范志麴 厚樸 薑皮 草果

楓橋姜 寒熱延久胸脫隱痛不已聽按此係食滯阻氣不宣並

無咳嗽聽按此以病言嘔吐膿血釀成胃瘕矣誤認肺瘕愈治愈劇尤

恐毒氣內攻腸胃。其害非淺。

沉香

焦麴

枳殼

檳榔

陳皮

厚樸

瓜萐

菴殼

大麥仁

紹興張 腹痛作嘔。寒熱不解。此熱阻胃口。須防成癰。

煨葛根

檳榔

草果

青皮

厚樸

青藿梗

瓜萐仁

附方

江枳殼

枳實

麩皮

酒藥

右藥為末。共炒熟。絹包熨痛處。

韓 酒濕類聚。例以分利。診脈微陽氣已敗。濕壅生熱。致胃癰。臌。

清熱則陽亡即死。苓朮運中祛濕。佐附迅走氣分。亦治濕一法。

茯苓

熟附子

生白朮

左牡蠣

澤瀉

車前子

胃瘧一症。內經甲乙經東垣十書。馮氏錦囊金匱要略。立齊醫

素丹溪心法。外科正宗。諸書論症論脈已詳。毋須瑣述。然能識

症知脈者甚少。內經曰。當候胃脈。其脈當沉細。沉細者氣逆。甲

經作逆者。人迎甚盛。甚盛則熱。人迎者胃脈也。逆而盛則熱聚

於胃中而不行。故胃脘為瘧也。脈息微茫最難辨別鄙見內瘧隱而不見

手不能近。所為至難。若全憑脈息。指下辨明七尺之軀。九分之

脈。能分內瘧。非易談也。惟內經云。本經募原。隱痛浮腫。即為何

癰如此辨之。稍有二三分把握。然到此癰勢已成。經云六府不和。留積為癰。壅遏不通則熱。熱勝則肉腐為膿。惟胃之為癰。更甚於他府。經云胃為之市。百物聚集之所。太素曰胃者太倉也。咽大腸小腸膀胱胃之閭里門戶也。市倉所積。賴脾氣之運。閭里門戶。轉運通調。太倉不致壅塞。市不致阻滯。胃實則腸虛。腸實胃虛。更實更虛。氣得上下。自然無病。經云飲食不下。腸塞不通。邪在胃脘也。鄙意思之。致胃脘癰者。各有其因。或酒濕壅熱。或膿厚太重。或熱藥過度。或七情鬱火。或飽食奔走。或飽食喜臥。或擾攘動怒。俱可熱鬱氣逆。壅塞成癰。胃為人之根本。人以胃氣為先。飲食藥餌。若有不宜。無不先傷於胃。胃屬中虛。兩頭

門戶最上口為賁門。下口為幽門。物聚類雜。最易壅塞。胃脘有上下之分。壅於賁門。腕中阻硬成膿。則吐膿血。壅於幽門者。近臍隱痛。成膿。則便膿血。治胃脘之法。將成之時。以通氣消積為先。六府以通氣為補。通則壅去。先保其不成。如熱勝已經成膿。以清熱排膿達下。清熱則保其未受傷之地。攻下膿血。不致潰腐腸胃。膿潰之後。保養胃氣為先。倘胃氣一敗。飲食漸減。藥難運化。延成危症。若胃脘穴外生瘻。高突按之有膿。即用火鍼或用刀臥而刺之。使膿從外洩。不致內潰裏膿腐爛藏府。若膿日久穿膜腐腸。多致不救。今輯七方。未成膿之前。理氣攻積一法也。已成膿之後。壯胃氣一法也。濕壅生熱。運中祛濕一也。

胃癰初起。外熨溫通。一法也。其餘排膿。清熱。攻積。消滯。達下。諸方。有羣書可考。不得煩言矣。余聽鴻誌。

附治案 余叔岳祖陳順貴。年五十餘。是日家中會期。將衣飾向孟河典中質錢七八千。負之奔歸。約十二三里。到家正會酒坐席。負重狂奔之下。腹已飢餓。酒肉雜物。大啖之後。飲食加倍。腸胃已傷。飽食迎風臥後。覺胃脘氣阻不爽。停數日。胃脘隱痛。即就馬培之先生診之。曰。胃脘癰也。服藥數劑。漸高大。培之先生曰。膿已成。再服內托等藥數帖。脘中如覆碗。即將火鍼刺之。插以紙捻。過一宿。拔出紙捻。洩膿碗餘。後服壯胃化濕生肌等藥。調理兩月而愈。余聽鴻誌。

邵鏡泉。浙江甯波人。年五十餘。在常熟南門外開合興槽坊者。壬午。因徧體絡脈抽痛。余與其治愈之後。其二三年。終日坐一小樓。飽食喜臥。日久胃脘阻硬不舒。延某姓醫治之。云濕熱。延診十餘次。罔效。又延當時威名之醫治之。曰。食滯濕熱。立方服藥二十劑。中脘高突。往蘇省就馬培之先生診。曰。胃脘痞也。當在蘇耽停十餘日。服藥十餘劑。待膿成熟。鍼穿洩毒。可不穿膜腐腸。邵服藥兩帖。少效。旋常熟。五六日。亦不服藥。聽其脘中高突。吾友松雲張君曰。既上年徧體絡痛。是某治愈。何不邀診。余診其脈。來疾去遲。關寸見數。胃脘按之甚軟。高突如覆杯。余曰。胃脘痞也。內膿已成。即向蘇就培之馬君處。或刀。或鍼刺穿。待

其毒洩。免穿裏膜。腐腸胃。若遲則裏膜穿。胃腐不救也。病者以
余言太甚。怒色曰。胃若成膜。何以飲食二便如常。口中大便何
以不出。膿血。余曰。臟腑不和。瘡發於外。營衛稽留。經脈血泣。熱
勝。恐肉腐。膿向內潰。腐爛腸胃。若不早開外洩。不免後悔。病者
曰。腸腑未壞。先戳穿肚皮。不敢將命試焉。君之藝。君勿言之。余
曰。忠言逆耳。良藥苦口。事有定數。謝之不敏。後邀著名外科。治
之無效。經四十餘日。回甯波。延醫治之。不識何症。到甯波府城
中。著名外科視之。曰。胃脘癰膿成。二百金包治。病者亦願。不料
已經內潰。出頭三處。出膿數碗。漸漸胃敗而殁。嗚呼。醫學難全
者。即此也。內科不能刀鍼。尚可飾說。有一等著名外科。一見內

瘰癧刀鍼手法毫無把握。聊將膏藥敷藥。敷衍釀瘰成患。往往腐腸穿膜而斃。較內科方藥誤人何如。耶。惟願後賢開內瘰之法。不得不潛心攷覈耳。惟學內科者。內瘰刀鍼不能不學。若逢內瘰。內外科各相推諉。遺誤者。不堪勝數矣。聽誌

甘露鎮。華姓。五十餘。腕中痞硬。中府穴高突。按之堅硬不痛。余曰。此氣阻積滯壅塞。急宜化滯理氣。用枳、樸、枳、榔、麥芽、神、麩、木香、括、萸、砂、仁、青、皮、之、類。服兩劑。腕中漸平。再將原意加郁李、麻仁、桃仁。製大黃。服兩劑。下燥糞甚多。腕中平軟如故。後服參苓白朮散。十餘劑。胃甦而痊。聽誌

李儀藩。常熟毛家橋人。城中龐氏戚也。胃腕中堅硬如盤。約有

六七寸。他醫皆謂胃脫。瘕治之罔效。就余診之。脈來堅濇。飲食二便行動如常。余曰。飲食二便如常。中宮無病。此非胃脫瘕也。瘕積症也。寒氣夾痰。阻於皮裏膜外。營衛凝滯不通。沉煙體陽虛。陰氣凝結。少陽氣運化非溫補不可。迨附、桂、鹿角、枸杞、杜仲、巴戟、茴香、當歸、仙靈脾、參朮、木香、薑、棗等。溫補通氣活血。外貼附子、玉桂、阿朮、丁香、細辛、山稜、莪朮、水紅花子、麝香、鹿角粉、木香、麻黃等品。研末。攤厚膏藥貼之。服藥五十餘劑。貼膏藥兩月餘而痊。消盡軟復如舊。聽誌。

福山塘謝姓。年五十餘。不咳嗽吐膿血。不甚臭。余曰。此胃瘕也。成膿之後。速達於下。用千金葦莖法。去葦莖。加瓜蒌、丹皮、製大黃、甘草。服後大便下。膿血漸稀。後進東瓜仁、苡仁、丹皮、甘草、白

木橘白生扁豆石斛竹葉等。待膿盡服扶胃清熱十餘劑而愈。
聽誌

和按胃瘕。胃脘瘕。本有兩種。胃脘瘕。生於中脘穴。皮裏膜外。氣
血壅塞肌肉之中。胃瘕。生於胃之上口。或下口。在賁門幽門之
間。飲食不節。膏粱厚味。壅熱。或飲食過飽。壅塞不能展舒。化熱
皆能成膿。治法。保住裏膜為要務。胃脘瘕成膿者。即速用鍼刀
開之。膿洩於外。勿使內潰。胃瘕成膿。即速排膿達下。勿使外潰。
始終能護住裏膜不穿。雖重可以挽回。若裏膜一破。多致不救。
肝瘕

東山范 寒熱延久。左偏脇肋。結腫作痛。時發時止。脈數而弦。此

風熱於肝氣相併為患。慮成肝癰。宜疎肝清熱。標本並治。

旋覆花 延胡 川棟子 新絳 丹皮

黑山梔 黃柏 青葱管 當歸

青浦徐 咳倉久纏。交冬令來。左脇肋隱痛。聽按此以期門微腫。

聽按此以兩脇脹滿。側臥則驚。聽按素問曰肝癰兩脇便溺艱澀。

聽按肝絡繫於二陰。顯係肝癰之症。議與疎肝洩肺為治。聽按學三先生

也者此

枇杷葉 蘇子 紫苑 鈎藤 通草

廣橘紅 新絳 竹茹 瓜萼

嘉善周 脇下結腫。色白。不能轉側。重按覺痛。此肝癰也。大便燥

而秘。有瘀血在內。理宜疎降。

柴胡

桃仁

青皮

木香

生薑

歸鬚

香附

黃芩

延胡索

王

痛久屈伸不得自如。

聽按徐靈胎先生評曰。腸瘕在此句中擬之。

經脈絡脈呆鈍。

氣痺血瘀。鬱蒸化熱。旬日頻頻大便。必有血下。復喘促煩躁。不飢不食。並無寒熱汗出。全是錮結在裏。欲作內瘕之象。部位臍左之上。內應乎肝。瘕者壅也。血結必入於絡。吐痰口氣皆臭。內瘕已見一斑矣。

炒桃仁

新絳

降香末

野鬱金汁

東瓜子

紫苑

金銀花

肝癰一症。因不常有人。皆罕見。故諸書少詳。經云。期門隱隱痛者。肝癰。其上肉微起者。肝癰。期門穴又名肝募在乳旁一寸半再直上一寸半素問曰。肝癰兩脇滿。臥則驚。不得小便。余思肝為厥陰。內藏相火。膽屬相火。火與木連膜同脂。肝為風藏。為將軍之官。謀慮出焉。膽為中正之官。決斷出焉。肝之謀慮。取膽之決斷。人有謀慮不決之事。肝鬱則氣結。血凝。膽不能決。火愈熾。風愈煽。氣血凝結。鬱則火生。肝氣不能宣通。火鬱則化成膿。脇肋期門者。皆肝之外候。肝絡布於脇。少陽膽絡行身之兩旁。脇肋作痛生癰。皆在肝之絡脈。非肝之本藏也。華真君曰。肝癰不可鍼刺。須用內消法。即意肝氣逆於絡中。壅塞成膿。此乃外候軀殼之病。脇肋為肝膽

行經之所期門肝之穴。若聽其內消。不得外潰。反潰入裏。攻穿裏膜。腐及腸胃。豈有不早刺。外洩聽其內潰。豈有是理。若生軀殼之內。肝之本藏。瘡成速用內消之法。斷無在軀殼之外。刺穿裏膜。能及於肝者。未之有也。故治內瘡之法。一層裏膜。如用兵之一座城垣。生於外者。始起之時。如暴寇初至。當先散其衆。不能待其痼結。理氣消磨之藥。用之在速。使其絡脈宣通。自然消散。若已瘡膿如賊已成。壘城中之軍。不能敵。不得不求救於外。雖服內消。內托亦屬無益。急用刀鍼臥刺。使毒外潰。如救至攻開賊壘。城中軍心自安矣。生於內之本藏者。如左右之親。近內引內患。暗伏其中。急宜搜之。逐之。倘一時懈怠失察。滋蔓難圖。

故內癰鍼不可及。手不可近。若不杜漸防微。致成危症。陳遠公曰。肝遂癰膿。其勢似緩。然肝性最急。癰成而毒發甚驟。焉有脇痛數日而死者。此癰已久成膿。潰毒而死。如左右之患。起於不測。債軍敗事。此皆醫不能預治而遷延。病家疎忽不治而死者。不能杜漸防微。預治其患也。余以治內癰。腹部之癰。先保裏膜。如用兵。始終保住城垣。萬軍不致潰散。生死關頭。即此矣。肝癰雖屬罕見。肝非金石。豈有不生癰者乎。撫拾成議。質之高明。臨症之時。未尚無小補耳。余聽鴻註

附治驗 余治脇癰。肋癰。脇痛等症。已多。皆肝之外候也。內消理氣消痰。蟲蟻搜絡。俱可取效。惟肝之本藏生癰。未曾遇見。憶

昔在業師處施姓婦素有肝氣。喪夫後。因應嗣愛嗣。爭產不能決。後脇肋刺痛。吾師治愈後。經阻三月不通。覺左肋內由臍旁引痛。腰脊肌肉不變。重按之內中極痛。吾師曰。此肝癰也。用延胡、柴胡、川棟、青皮、歸尾、木香、合、桃核承氣法下之。下血紫片如雞肝一劑。後痛減。再進消瘀理氣疎肝解鬱。數十劑。經通痛止而愈。吾師曰。若肝經絡脈生癰。當用活血理氣之輕藥。取其輕可入絡。若癰生於內中本藏。當用破血理氣重藥。取藥重乃專直攻本藏也。肝為藏血之藏。血壅氣阻。葉脹成癰。故速下之。使肝中氣血疎通。腫亦可消。治內癰雖屬理氣消瘀同一法也。然各藏引經之藥。必須用之。倘不用引經之藥。反傷他藏氣血矣。

余聽鴻誌

丁亥六月。余治常熟大河鎮某姓婦。早寡上有老姑七十一歲。兩代嬌居。携子耕讀安居。不料有某暗侵其產。事至成訟。姑媳上堂質審。幸邑尊剖斷如神。產業未能被人所佔。結案後鬱怒所致。左脇肋及少腹臍旁作痛。大便秘結。小溲不通。他醫進以五苓八正導赤等。滲利之品。罔效。就診余寓。問病之始末。余曰。肝絡繫於二陰。肝主疎洩。少腹刺痛。是怒鬱傷肝。恐生肝癌。急宜疎肝達下。用川鬱金、金鈴皮、香附、延胡、柴胡、木香、橘葉、歸鬚、瓜蒌、厚樸、合遙、逍散等。一劑。另服通關丸三錢。大解已通。小溲亦暢。後原方增減服兩劑。痛漸愈。據述其姑審後到家。即起痢。

疾年逾七旬甚重。即晚開船回去。余細思之。此症日久。亦肝癰。幸而爭訟能勝。屈有所伸。怒有所洩。肝氣尚可展舒。若官長不明。或紳宦說情曲護。屈無所伸。怒無所洩。孤孀廢婦姑媳之命。未嘗不以此而危。所以與聞公門之事者。當三思行之。培德無涯矣。余聽鴻誌

○腸癰

瀏河孫 去年產後。瘀積未楚。入春腹漸作痛。兩手脈來滯滯。此係絡脈有阻。隧道阻塞。以致腹形漸大。關元穴微腫。按之急痛。乃成癰之兆。法宜消積通絡為治。

製香附

柏子仁

延胡

米仁

麥芽

旋覆花

青葱管

赤芍

歸鬚

丹參

新絳

南潯宋

素患肥氣。近加少腹繞臍而痛。蓋厥陰脈絡並於小腸。

又為水分穴之所。慮成腸癰。形脈皆現虛象。恐難支持。

黨參

琥珀

麻仁

黑芝麻

淡菴蓉

紅袖

人乳

青橘葉

覆方。水分穴較前愈腫。臍腹疼痛更甚。正屬釀膿之候。仍擬清

潤。不致毒從臍出也。

黨參

大腹皮

橘紅

竹茹

殼芽

飴糖

伏龍肝

石斛

蔻殼

常州徐 產後敗瘀阻於腸募少腹作痛腸瀉之所由作也且擬
溫通之法以冀瘀下積消堪免成膿

肉桂

蘄艾絨

丹參

麻仁

炮薑

琥珀

充蔚子

紅麴

薤白頭

覆方 積瘀稍下一時未能蕩滌腹痛依然按脈細澀元氣甚虛
扶元則積瘀難下疎導則元氣愈虛攻補兩難平章不易勉擬
溫通再候轉機

肉桂

黨參

神麴

陳廣皮

苡米

丹參

艾絨

麻仁

威靈仙

丹徒楊 衝任脈虛天癸不準來時腰腹作痛此係肝虛血滯阻

於腸膜以致少腹結硬疼痛不已有腸癰之兆姑擬溫通導滯以望紅潮準信為入消之消。

製附子 花蕊石 桃仁泥 羌蔚子

敗醬草 查炭 丹參

附薰方

小白菜 棉花核 車前根 青葱管

大蒜頭 艾蓬頭

覆方 腹痛得緩。瘀濁已下。誠為佳兆。惟少腹腫塊依然未退。此積瘀未淨之故也。仍以前法治之。

製附子 肉桂 陳皮 查核 新絳

花蕊石 丹參 菴藟子

附摩汁代茶方

沉香 烏藥 降香 蘇梗 枳殼

鬱金 枳榔

青浦張 寒食互結。少腹逆痛。脈沉滯。非惟厥悶。防其成癰。

沉香 艾絨 枳榔 藿香 炮薑

椒目 草果 厚樸 炮淡吳茱萸

吳江朱 寒凝氣滯。少腹作痛。此腸癰之基也。

厚樸 蘇梗 枳殼 廣皮 葛根

枳榔 蒼梗 青皮 查肉 蔥管

餘杭歌

小腸癰。延遲治。誤內膿已成。破後必貫曲折。急與補托。勿一誤再誤。向作痞治。何異隔靴搔癢。

黨參

瓦楞子

丹參

棗仁

米仁

黃耆

稽豆皮

梅堰湯

小腸癰破後。穢膿奪臍而出。盜汗脈軟。形體尪羸。瘡怯已成。難許無虞。

黨參

北沙參

棗仁

五味子

木香

黃耆

范志麴

浮麥

稽豆皮

廣皮

蒼墟沈

小腸癰內潰。小便下蛻十計。此乃內膜有傷。治之非易。

製附子

琥珀

東瓜子

苡仁米

敗醬草

川連

廣皮

瓜蒌仁

覆方 膿虵如故藥石無功。

黨參

烏賊骨

陳皮

兔絲子

米仁

丹參

菩提珠

穀芽

嘉定閔 產後瘀阻自冬經夏少腹作病痛無著跡急疎營絡免

成腸癰。

製香附

芫薺子

艾絨

當歸

蘇梗

延胡索

澤蘭

丹參

崑山孟 專後體虛多臥以致敗血失遂流注腸中釀成內癰擬

和以導之之法。

香附

陳皮

當歸

丹參

煨木香

白芍

艾葉

羌蔚子

同里張 微寒微熱。脈細而數。少腹急腫。臍突轉側有水聲。內瘕已成。擬溫以通之。

肉桂

羌蔚子

陳皮

澄香

艾葉

薤白

花蕊石

蘇州錢 恒業轎夫。急於奔走。致腸胃傳送不能舒展。敗血濁瘀。壅遏腸中。而成內瘕。與意以仁湯治之。

赤小豆

防已

薏苡仁

甘草

桃仁

粉丹皮

薑仁

嘉定比邱尼 小腸滯後。虛熱不已。臍中時流敗水。濁。瘕。此症起於素志不舒。經閉為病。難於調治。

黨參

米仁

穀芽

甘草

赤苓

丹參

花粉

陳皮

金澤錢

少腹攻痛。小便澇滯。兼以後重。防成小腸瘕。

澄香

陳皮

枳實

艾葉

青皮

蘇子

烏藥

薤白

川棟子

附蘆方

大蒜梗

青蔥管

艾葉

唯亭李

臍腹隱隱作痛。痛則氣衝於上。便秘脈芤。小便赤淋澇。

痛顯係腸癰非奔豚也宜大黃湯下之。癰去痛即緩矣。

大黃

朴硝

桃仁

丹皮

青皮

枳仁

丹參

木通

赤苓

羌蔚子

蠱野王

蟠腸癰前擬導癰開洩法。未見鬆機。癰滯腑絡。未能蕩

滌。再以排癰潤腸。佐以降氣。

沉香

郁李仁

麻仁

新會皮

蘇梗

川斷

兔絲子

萸仁

青蔥管

丹參

太倉米

惡寒發熱。少腹腫痛。脈有亢象。左脚屈不能伸。名縮脚

腸癰。宜破癰行氣治之。

延胡

陳皮

木香

歸尾

青皮

枳殼

紅花

焦山查

沐涇周 臍腹絞痛轉側有聲腸瘕已成矣。

焦神鉤

官桂

枳殼

艾葉

炮薑

山查核

川棟

吳江張 腸瘕。

川棟子

澄香

白芍

烏藥

蘇梗

山查核

陳皮

艾葉

朱家角陳 少腹氣逆便秘脈芤防成蟠腸瘕。

葛根

沉香

青藿梗

厚樸

查核

艾葉

檳榔

扁豆葉

枳殼

陳皮

橫涇馮 半產後五十餘日惡露流入小腸以致腹痛且腫腸瘕
之新也擬失笑散主之

五靈脂

蒲黃

川棟子

川連

芫薺子

延胡索

丹參

薤白頭

查核

青浦來 脾虛不能飢血敗瘀滲入腸胃之間以致臍突腹腫痛

勢日加此腸瘕欲作膿也法擬健脾行瘀以冀勿潰為妙

芫薺子

兔絲子

穀芽

丹參

竹茹

川棟子

新會皮

白芍

太倉繆 腸瘕在將成未成之際擬運行以傳散

川鬱金

延胡

歸尾

申薑

陳皮

絲瓜絡 紅花

桃仁

蘇梗

新絳

平望倪 腹中作痛。脹滿難食。小便瀼滯。此腸癰也。遵古法以薤

苡仁湯主之。

米仁

瓜蒌

丹皮

白芍

桃仁泥

畢 濕熱由腑滯及腸中。大便不爽。食入不適。平昔肝木易動。厥

陰不主疎泄。少腹形脹。無非滯氣之壅。久則凝瘀日踞。

小溫中丸 三錢十服

某 臍旁紫黑。先厥後熱。少腹痛如刀刮。二便皆瀼。兩足筋縮。有

腸癰之慮。

老薤白

兩頭尖

小茴香

當歸鬚

炙山甲

某 舌焦黃。小腹堅滿。小便不利。兩足皆痿。濕熱結聚。六腑不通。有腸瘕之慮。

川棟子 丹皮 山梔 通草 青皮

小茴香

某 壯熱旬日。周身筋脈牽掣。少腹堅硬。小便淋漓。忽冷忽熱。欲瘕膿血。乃腸瘕為病。仿孫真人牡丹皮大黃湯主之。大黃牡丹皮芒硝瓜

子桃仁金匱刪繁劉涓子肘後俱用此方 總註

蔣氏帶下不止。少腹內踝連痛。全足不能伸縮。絡脈不宣。最有結瘕。纏綿不可不慮。醫云肝氣豈有是理。

桂枝 遠志 當歸 杞子 茯苓

鹿角霜 生沙苑

朱^{十四}產後冬月右腿浮腫。按之自冷。若論敗血。半年已成腸癰。針

刺泄氣。其痛反加。此乃衝任先虛。踴維脈不為用。溫養下元。須

通絡脈。然取效甚遲。恪守可望却病。此案本非腸癰。最易誤治。故特錄出。以便臨症核對。

茯苓 當歸 肉桂 小茴 牛膝

茯苓 鹿角霜 鹿角膠 溶酒蜜丸

吳產後十二朝先寒戰。後發熱。少腹疼痛。腹膨滿。下部腰肢不

能轉側伸縮。小溲濇少而痛。此敗血流入筋絡。延及變為癆症。

議用交加散。

小生地 炒查肉 生薑 車前 牛膝

五靈脂 調入琥珀末一錢

又十六期諸症稍減。每黃昏戌亥時。衝氣自下而上。至胸中即脹悶。肢冷汗出。右腹板實。此厥陰肝藏因驚氣逆。今惡露未清。重鎮酸斂。均為暫忌。擬和血調血為穩。

炒桃仁 歸鬚 香附 延胡 小茴

炒查肉 官桂 川棟

又方 人參 當歸 白芍 炙草

茯神 香附 桂心 廣皮

經曰。天樞隱隱痛者。為大腸疽。其上肉微起者。為大腸癰。

天樞即

大腸募在臍旁開二寸 開元隱隱痛者。小腸疽。其上肉微起者。小腸癰。

開元

穴即小腸募此指募穴而言也余思致大小腸瘕各有其因或在臍下三寸

膏粱厚味濕熱壅塞而成或終日急奔氣血阻於下焦飽食奔

走腸胃失於展舒負擔重物逆傷腸胃醉飽房勞致傷精液濕

滯痰凝腸胃痞塞飢飽勞役腸胃受傷飽食喜以食積停滯受

寒氣腸氣不能宣通或脾虛濕壅濕滯流入小腸或跌仆停瘀

腸膜或婦人分娩用力太過氣陷阻滯不升產後喜臥瘀流入

絡或肝氣鬱結暴怒憂愁氣結不通車馬疾奔震動腸胃膜絡

尼姑孀婦室女乾血停阻有心經火毒流入小腸肺經之熱移

於大腸以上皆可成瘕大小腸瘕不外乎血瘀氣阻寒凝熱壅

已潰未潰兼虛兼實若能一見便明治腸瘕不難矣寒者溫之

熱者涼之。氣滯者理之。瘀阻者行之。治大小腸癰。始萌之大綱領也。其中利濕消滯。化痰排膿。清熱溫通。解毒固正。和中養陰。各法者。四法中之變化也。雖有羣書可考。余今輯四十一方。潛心參玩。亦可增一隙之明。余聽鴻註

余思大小腸癰治之法。諸先哲辨之極明。不如簡略。後人可取為法。鄙見生大小腸癰。小腸上口即胃之下口。曰幽門。大腸上口即小腸下口。曰闌門。又為水分穴。泌糟粕。化精液。澁便。即在此分清。糟粕歸大腸。澁溺歸膀胱。屈曲變化之處。最易壅塞。如市井路狹。人來門巷之間。易壅易阻。腸癰者。生此二處為多。癰生於大腸。易治。大腸為傳道之官。變化出焉。陽明多氣多血。魄

門為五藏使水穀不得久藏其氣本主下達瀉之其毒膿與糟粕俱出。生於小腸。治之較難。小腸為受盛之官。化物出焉。有毒難泄。太陽多血少氣。與心火合為表裏。雖瀉則熱從溺洩而出也。看腸癰之法。先從少腹按之。皮肉輕按痛者。癰生於外。腹癰也。若輕按不甚痛。強按之內中痛甚。腸癰也。若小便淋瀝。有惡寒發熱。身皮甲錯。少腹腫狀在一處痛者。脚屈難伸。腸癰也。若少腹皆不痛。一處獨痛。癰已成。若獨痛之處。按之熱。他處不熱。膿已成。若脈來遲緊者。氣滯血凝。未成膿也。脈見數滑。有寒熱已成膿也。服熱藥更痛者。已成膿也。服熱藥而痛緩者。膿未成也。膿非火煨煉不能成。故服熱藥痛更甚。生腸癰者。要卧清靜。

之室。倘猫鼠審器。哄嚇之說。幼孩跌仆。防其驚跳。則腸斷不救。此皆屢次試驗而得之。未成膿之前。要分氣阻血凝。虛實寒熱。諸治法。有羣書可考。茲不多贅。然成膿之後。下之不得。吐之不能。不得不開之。使膿外洩。遷延腐爛腸胃。或膿奪臍而出。或少腹內潰出膿。或大便便膿。或嘔膿。婦女前陰出膿。內中腸胃無有不壞者。吾友少田胡君曰。以子所言。內癰先保裏膜為要務。如此說來。腸癰開刀動針。裏膜必穿。豈不誤人性命。余曰。君言却是有理。然刺火鍼。肉未受傷。如鍼灸之法。焉有不傷裏膜。然其孔。易於收斂。若其內潰。其中腐爛已多。收斂不易。遷延日多。正氣已敗。生長更難。然刀鍼手法。各有秘傳。惟見孟河馬氏。

巢氏余屢見之。此皆衣鉢相傳。惟燙火鍼為最速。救人甚眾。其餘能開內瘻者。未曾見耳。若無師傳。機點穴不真。認症不準。亂鍼亂刺。孫真人云。腸癰妄治。必殺人。即此也。余不能刀鍼。惟瘍症不敢旁質一言。今有無師傳授。以外科較內科易。置書數種。合藥數方。竟為瘍科。倘遇內瘻大症。如之奈何。今聊質鄙言。瘍科高明。務必考覈內瘻為救人之要事。諸公責我罪我。余不敢辭也。余聽鴻誌。

附治驗 余臨症五年。遇腸癰數人。始萌未成膿者。或理氣消瘀。溫通服藥而消者。茫不記憶。有二人未能收功者。自愧醫學不精。刀針手法。缺少師承。聽其內潰而死。至今顧影自慚。故錄。

出為後日之戒。余乙酉二月初六日。在孟河至琴川。余友仲鳴
徐君過余寓。談及其店中學生某。志其姓名住南門外壇上。切紙坊
內。因腹痛已有三月未愈。煩子過一診。余即往診。得脈來數滑。
一身肌肉盡削。發熱少。腹左角作痛。日夜哀號。余細將其少腹
按之。少腹左角一處獨痛。細按掌下。惟痛處肌肉最熱。問其原
由。云服熱藥熱物更痛。服涼藥涼飲稍舒。余細按之最熱處。郁
郁有膿。潤潤有聲。看其兩足能伸能屈。余曰。此內癰。經服藥三
月。未曾有言。內癰者。吳萸、薑、附、桂熱藥過多。煨煉成膿。余不能
刀針。使膿外洩。此癰在腸外膜裏。若膿從大便出。腸必腐壞。若
膿從臍出。裏膜必穿。如有名手。能開膿從原處而出。可望生機。

若膿從大便臍中出者俱屬不救。余寓牡丹皮散合活腸敗毒丹法主之。即辭曰：速延瘍科開之。尚有生機。遲則不救。當日即延著名瘍科視之。遂日更醫。香束和延至十餘日。臍中潰膿。胃氣漸敗而逝。嗚呼！瘍科不能治內瘻。聽其自潰而不早治。釀成大患。何異用兵聽人居危城之中。羅雀掘鼠不能濟內之糧。又不能衝突救人性命於頃刻。聽其自斃。一般余思之。捫心自愧。未習刀針手法。誤人性命。所以徐靈胎先生言葉夫士先生曰：內科不知外科。得醫術之半。余謂內科不能識症。外科不能刀針。一遇內瘻。皆如雲中觀月。霧裏看花。揆延日久。膿成聽其自潰而死。醫術之難全。徐靈胎先生已言之。余何敢實言。今誌之。

自警 余聽鴻

凡治內癰婦女較男子更難。余憶在師處有丹徒界某姓大族。有新婦經停三月。皆謂有娠。停至四月。少腹作脹而痛。皆云妊娠而挾肝氣。服金鈴。左金等痛更甚。後邀吾師。因天微雨。不願過江。使吾代之。坐車十六七里。再江面坐船。顛播三四里。喘息未平。宅門內呼請診脈矣。上樓窗。亦四面緊閉。病人坐在幃幔之中。色不能望。音不能聞。問不能答。將手在幔中伸出。切脈連緊。重按亦濡。余曰。此血氣被寒凝滯。問曰。腹中痛乎。旁人代答曰。少腹左邊甚痛。舌又不能看。余再問曰。二便如何。少腹痛處可硬。旁人皆不言。病者羞澀不答。余亦無可如何。況枵腹汗出。

手軟無加。即請紙書。加余曰。少腹作痛。氣滯血凝。日久防成內
癰。即用桃仁承氣去芒硝。加歸尾、延胡、香附等。聞得旁有婦人。
唧唧言曰。有妊四月。脈中尚方不出。反言內癰。余亦反疑。咸不
定。明知此方決不服矣。飯畢回寓。與吾師述及情由。曰。望聞問
切四字皆無。孫真人未診先問。扁鵲見色知病。如此隔靴搔痒。
余實不能。後延他醫。皆安胎養血。云產前宜涼。方皆不離黃芩
白朮。至經停五月。見寒熱。少腹腫硬。後膿竄入腿縫。延外科治
之。有曰橫痃。有曰便毒。雜藥亂投。膿潰淋漓。胃氣日敗。而斃。所
以病家如此。醫家如此。鮮有不悞者也。此悞不在醫家。悞在病
家。奉勸富貴之家。有病延醫。望聞問切。當盡其技。病家受益多。

多知余聽鳴誌

徐洄溪治長興朱季敏少子。瀟虎官。性極聰明。年九歲。腹痛脚
縮抱膝而臥。背脊突出一節。徧延內外科診視。或云損症。或云
宿食。或云發毒。當刺突出之骨。以出膿血。其西席茅豈宿。為薦
余治。往登其堂。名醫滿座。豈宿偕余診視。余曰。此縮脚腸癰也。
幸未成膿。四日可消。聞者大笑。時季敏為灤州牧。其夫人孔氏
名族之女。獨信余言。余先飲養血通氣之方。并護心丸。痛遂大
減。諸醫謂偶中耳。和按。同道妙。可醜之態。明日進消痰逐毒丸散。謂曰。服
此又當微痛。無恐。其夜痛果稍加。諸醫聞之。譁然曰。果應我輩
之言也。聽按。此等醫士。幸災樂禍。皆大學問之處。明早又進和榮順氣之劑。痛止八

九而脚伸脊平。果四日而能步。諸醫以次辭去。中有俞姓都儒

士也。虛心問故。

聽在師處。師曰。若見同道。可問則問。不可問。則

稍有家資。鄙爾貧士。或捐職銜者。鄙爾布衣。或高抬身價者。鄙爾早踐。故作勿忙者。鳳爾糾纏。欺世盜名者。恐爾辯駁。各有習氣。若謙虛下問。人疑爾詐。反俯首受辱於人。故不必問。若果有長者。固是吾三益之友。志同道合。何可不問。先哲云。我百事知惟一。實不能知。吾問於人。彼百事不知。惟我一事不能知。彼能知者。即吾師也。余至琴川五載。造同志合。有問必言。有長者風。溫淳和乎。支晤邵。幸修先生。老成持重。直言不諱。每違同診。受益已多。惜天不永其壽。傷吾益友。故謹錄之。以誌感愧。今讀徐葉之儒士俞姓。醫虛心問故。知泗溪先生直言不諱。長者而問之。知前輩醫之中。不可問而不問也。余謂。雜藥亂投。氣血傷矣。先和其氣血。自得稍安。繼則攻其所聚之邪。安能不痛。既乃滋養而通利之。則藏府俱安矣。○又治南濠徐氏女。經停數月。寒熱減食。肌肉消瘦。少腹之右。下達環跳。隱痛微腫。

醫者或作怯弱或作血痺俱云不治。余診其脈洪數而滑寒熱無次。謂其父曰。此瘀血為癰。已成膿矣。必自破。破後必有變症。宜急治。與以外科托毒方。并丸散。即返山中。越二日。天未明叩門甚急。啟視則徐之戚也。云膿已大潰。而人將脫矣。即登其舟往視。膿出升餘。脈微膚冷。陽隨陰脫。余不及處。急以參附二味煎湯灌之。氣漸續。而身漸溫。然後以補血養氣之品。兼托膿長肉之藥。內外兼治。兩月而漏口方滿。精神漸復。月事以時。大凡瘀血久留。必致成癰。產後留瘀及室女停經。外症極多。而醫者俱不能知。至膿成之後。方覓外科施治。而外科又不得其法。以致枉死者。比比皆然。徐洄溪

○腎俞癰

松江史 腎俞癰。灸後腫收痛減。大有消意。此當坎位。地冷多寒。自宜溫補。

肉桂

延胡

茯苓

青鹽

熟地

枸杞

杜仲

宜興尤 腎俞癰。延久不愈。恐成瘡。怯

西洋參

川石斛

車前

茯苓

蟄甲

北沙參

大豆卷

白芍

青浦蘇

背脊先曲。次發腎俞。其勢必潰。真陽虛損之極。加以脛

數胃困。最難治療。

黨參

川石斛

茯神

料豆

扁豆皮

冬朮

五味子

神麴

鱉甲

川貝母

南匯李

腎俞。色白漫腫。防其成癰。此空隙之穴。非比他處。能令

消散。為首務。先理寒熱。後商外瘍。

葛根

藿梗

菟殼

蘇梗

木香

青蒿

陳皮

厚樸

丹參

扁豆

青浦查

腎俞發腫。收腫化。可卜向安。另有變遷。未敢預決。

北沙參

忍冬花

黃芪

石決

花粉

製首烏

杜穀芽

廣皮

乍浦馬

腎俞內發。由真元虧損而成。勿泛視之。

北沙參 人參 茯苓 神麴 黃耆

女貞子 甘草 淮麥 料豆

覆方 進補托之劑。平塌依然。神思昏頹。胃氣困憊。甚非佳兆。再擬補托以決成敗。

人參 白芍 女貞子 黃耆 甘草

冬朮 杜仲 大生地 茯苓

淮安程 腎俞堅硬如瓦形如大桃綿延半載皮色泛紅已有穿

象流膿為吉。出血為此血癰之流亞也。聽按此症即是石疽寒氣夾痰凝結所致

因皮色泛紅故不能用溫藥

川貝 牡蠣 紫菜 連志 連翹

蘇子

廣皮

夏枯草

俞為陽之穴募為陰之會諸經之俞在背諸經之募在腹藏府不和病發於外發於陽者在俞發於陰者在募發於本藏府者在內發於府者屬陽治之稍易發於藏者屬陰治之極難何也內經云六府者所以化水穀而行津液者也五藏者所以藏精神血氣魂魄者也又云六府傳化物而不藏故實而不能滿也五藏者藏精氣而不寫故滿而不能實也六府之氣本通雖壅阻易於通達五藏生癰肺本中空主氣之呼吸出入較他藏治之較易其餘脾肝腎四藏之癰生於本藏腹內者鍼不可到藥不可及手不可近內科不識其症外科不得其法妄治而誤者

此比然也。夫腎俞癰者名曰連腎發。此腎經之外癰也。生於命門穴。脊之十四椎。自下至上第七椎。即七節之傍。中有小心處是也。此處其方在北。其卦在坎。本為寒水之地。內藏相火。如水底暗蟄龍雷。陰陽相抱。為先天之本。性命之根。精氣神聚藏之所。生生化育。壽夭榮枯。皆在於斯。又在骨多肉陷空隙之處。靠裏膜最近。與腎為比鄰。此處生癰。故一經潰後。先自傍徠。先哲皆云。房勞過度。致傷腎水。鄙思耄耋。襁褓高僧。節婦皆有生此癰者。豈皆房勞乎。其中各有其因。寒鬱則化火。陰虛則火生。或者操勞思慮。有動乎中。必搖其精。或小兒先天不足。或房後腎經受寒。寒鬱化火。或強制亢陽。陰精內消。或春方丹石。患精。

岳母素有便血。本屬早寡多鬱。後起懸癰。生於穀道之前。溺道
之後。先起塊作痛。即至孟河診之。皆云濕熱。服苦參黃柏苡米
草薢等。苦寒滲利數劑後。日見其甚。再覆診。服數劑。臥牀不起。
日劇。著余婦代看之。云皮色泛紅。光亮如梨。按之甚熱。用田螺
水。摩番木鱉。調冰片搽之。稍安。乾則更痛。再搽。後邀瘍科診之。
曰。懸癰潰後。為海底漏。死症也。合家驚惶。正在歲終有事。無可
如何。余曰。素有便血。本屬脾虛。雖有肝氣。兼濕熱。肝絡繫於二
陰。補中益氣湯最宜。此方之升麻柴胡。即是疎肝之品。當歸是
養肝之品。東垣先生云。治脾不若治肝。木氣調達。土氣自舒。參
草甘溫助脾。白朮陳皮調胃祛濕。余即將補中益氣本方。加茯

苓洩其已阻之濕。大劑三服。痛減紅退。而腫收。再服兩劑。而飲食漸增。腫漸收盡。痛亦止。後服歸脾五六劑。平復如故。至今十餘年。強健如昔。所以補中益氣湯。人皆云升清。不知東垣先生內中有疎肝扶土之妙。鄙言以謂何如。若依瘍科。用苦寒淡滲利濕清熱。此症決致不起。余聽鴻誌。

。肛瘻

倪 肛瘍潰膿雖愈。陰氣已經走洩。當陽氣弛張發洩。今加嗽血痰多。胃納減。於平昔脈數促喘逆。脫悶姑清肅上焦氣分。

蘇子

杏仁

香豉

薑皮

降香

鬱金

桔梗

黑梔皮

魏 脈數垂。淋濁。愈後。再發。肛脹。大便不爽。餘滴更甚。

草薢

猪苓

澤瀉

白通草

海金沙

丹皮

黃柏

晚蚕沙

覆方 滯濁下行。痛緩。議養陰通腑。

阿膠

生地

猪苓

澤瀉

小桅

丹皮

王 病人述病。中厚味無忌。腸胃滯雖下。而留濕未解。濕重濁。令氣下墜於肛。肛墜痛不已。胃不喜食。陽明失閤。舌上有白腐形。色議切腸胃之濕。

生茅朮

人參

厚樸

廣皮

炮薑炭

生炒黑附子

肛癰者。即藏毒之類也。始起則為肛癰。潰後即為痔漏。病名雖異。總不外乎醉飽入房。膏粱厚味。燂炙熱毒。負重奔走。勞碌不停。婦人生產努力。以上皆能氣陷。阻滯濕熱。瘀毒下注。致生肛癰。今另立肛癰一條。何也。肛癰藏毒來之速。癰之甚。若不速治。潰後即成痔漏。痼疾。倘有不慎。即此殞命者多矣。肛癰何由而生。肛者。直腸也。肛門。即直腸之門戶也。腸胃自賁門之下一過。幽門。氣皆下降。飲食入胃。隨之下趨。直隸小腸。小腸下口為之爛門。屈曲之處。泌糟粕。化津液。即在此矣。如能水穀分清。本無疾病。若厚味酒濕。熱毒壅滯。氣機阻塞。膀胱或負重疾。奔氣陷。

血凝。小腸少運化之機。蓄積小腸。膀胱濕熱壅阻。不能從溺道而出。反趨於大腸之中。灌注肛中。魄門為五藏使。啟閉有時。不比溺孔。可時時而洩也。濕熱愈壅。氣機愈滯。肛之門戶更閉而不通矣。濕熱久留。經云。氣血壅阻。即生瘰癧。熱盛則肉腐為膿。肛瘰生矣。若生於內而不早治。膿潰則腸穿。則成痔漏。痼疾生於外者。熱壅肛門。肛門外翻。秘結不通。若不早治。寒熱大作。口渴煩躁。竟有傷生者也。若能預早防範。用藥使其壅塞速通。能保內消不潰者。為上工。既潰之後。肛門之內有縱有橫。行走牽動。大便不時出入。最難收斂。能即填其孔竅。早生肌肉。生長完固。亦良工也。若用刀鍼繫線。安能遠長肌肉哉。日久漸虛。致成

勞怯而死者多矣。惟願瘍科始萌之時。辨其陰陽虛實。當攻當補。理氣利濕。清熱解毒。溫通等法。俱有羣書可考。皆在臨證之權宜。非筆能罄述也。今輯四方粗具規模。治之得法。皆在臨證之人變通焉。余聽鴻註。

荆溪張渚鎮余君天培。四十未有子。體頗豐。嗜飲食。好厚味。余雖非同族。其祖父與吾先大父式玉公先嚴臚卿公。有三世舊交。後紅巾竄踞江南。余年尚幼。避亂孟河。至同治甲子。回籍。余一門二十餘口。殉難。故居皆為瓦礫之場。余則能就孟河為家焉。同治癸酉。天培余君偕一妾。僕從數人來孟河。就診於馬培之先生處。肛門已有漏卮四五。余因同鄉。過其寓。問詢其起病

之始末。據云。是年八月初旬。天氣尚暖。鄉人死羊肉。售於酒肆中。實不知也。最喜羊肉。飽啖。飲以膏粱火酒。當夜睡後。覺有寒熱。明日覺。肛中大痛。如刀刺。墮阻秘塞不通。輾轉床褥。呼號七日夜。治之罔效。至第八日。有某醫曰。濕熱墮阻。肛中速宜下之。即與大承氣湯下之。下燥糞之後。即下膿血矣。不料臟毒內已成膿。肛已潰穿。後漸穿肛外。未及三月。已成四五漏矣。在孟河調理數月。已收三孔。行坐如常。後旋鄉。仍嗜酒縱慾。煩勞不節。瘡漏漸潰。竄至八九孔。停一年餘。至孟河。余看其肛中穿及肛外。竟能穿至臀。穿至股。滋水淋漓。不能起矣。是年余在荆溪運茶至蘇屬。秋仲至孟河。一見其腹硬便澹。四末作腫。余謂其妾

曰。即速僱舟回籍。脾氣已絕。途中恐不及也。逾二三日。培之。先生喚余到彼寓。當夜僱舟送伊回籍。到奔牛鎮而歿。所啖羊肉。燒酒一次。竟能殞命。人之飲食起居。豈可不慎歟。故錄出。與縱飲大酒。喜食濃厚。貪口腹之戒。余聽鴻誌。

腹內癰論。古之醫者。無分內外。又學有根柢。故能無病不識。後世內外科既分。則顯然為內症者。內科治之。顯然為外症者。外科治之。其有病腹中內外未顯然者。則各執一說。各擬一方。歷試諸藥。皆無效驗。輕者變重。重者即殞矣。此等症。不特外科當知之。即內科亦不可不辨明真確。知非已責。即勿施治。毋至臨危束手。而委他人也。腹內之癰。有數症。有肺癰。有肝癰。有胃

疔。遇有小腸癰。有大腸癰。有膀胱癰。惟肺癰。咳吐腥痰。人猶易辨。餘者。或以為痞結。或以為瘀血。或以為寒痰。或以為食積。醫藥雜投。及至成膿。治已無及。并有不及成膿而死。都病者醫者。始終不知。何以致死。比比然也。今先辨明痞積。瘀血。寒痰。食積。之狀。凡痞結瘀血。必有所因。且由漸而成。寒痰則痛止無定。又必另現痰症。食積則必有受傷之日。且三五日後。大便通。即散。惟外症。則痛有常所。而遷延益甚。金匱云。諸脈浮數。應當發熱。而反淅淅惡寒。若有痛處。當發其癰。以手按腫上。熱者有膿。不熱者無膿。此數句。乃內癰真諦也。聽按金匱之文。簡而易明。真金科玉律。惜瘍科皆不留意。多者又云。腸癰之為病。身甲錯。腹皮急。按之濡。如腫狀。腹無積聚。

身無熱是也。若肝癰則脇內隱隱痛。日久亦吐膿血。小腸癰與大腸相似而位略高。膀胱癰則在少腹之下。近毛際著皮即痛。小便亦艱而痛。胃脘癰有虛實二種。其實者易消。若成膿必大吐膿血而愈。惟虛症則多不治。先胃中痛脹久而心下漸高。其堅如石。或有寒熱。飲食不進。按之尤痛。形體枯瘦。此乃思慮傷脾之症。不待膿成即死。故凡腹中有一定痛處。惡寒倦臥。不能食者。皆當審察。防成內癰。甚勿因循求治於不明之人。以至久而膿潰。自傷其生也。徐洄溪

聽按。方書五藏六府俱有癰。然心為人身君主而藏神。心雖有癰。將成即死。心一生癰。即時神昏志亂。故即死。脾為轉運水穀。

之藏。脾一生癭。胃不能剋化。亦死。膽為清淨之府。出不納。外裹脂膜。內藏青汁。不能生癭。沉藏在肝葉。膽癭與肝癭治法同。例仲景治肝。必治膽。膀胱外所一殼。脂膜不厚。內藏澁溺。時滿時虛。雖有其名。從未見過。治法於大小腸癭大同小異。三焦胞絡。本無定體。三焦皆屬人身軀殼之病。雖有其俞募。不得作內癭。故有其名。而無其症。余今輯腹內癭。惟肺癭。胃癭。肝癭。大腸癭。小腸癭。腎俞癭。肛癭而已。其餘前輩未曾見過。無臨證之方。余亦不敢妄為臆說。故概未錄。

發無定處部

。疔

王 疔毒。咯血失血。都是暑入陰傷。

竹葉心 元參心 鮮生地 黑穠豆皮

麥冬 知母

瘡瘻

某 足筋不舒。為濕邪所阻。以致絡脈壅滯。今發瘡。即是濕邪疎泄處。此方余不欲取備存一格

熟地 阿膠 桑葉 當歸 甘菊

木瓜 新絳 牛筋 牛酥 血餘

絲瓜絡 白麻骨 黑芝麻 人乳粉 石決明

猪骨髓阿膠烱化為丸

胡六脈右勁因疥瘡頻以熱湯沐浴衛疎易傷冷熱皮毛內應乎肺咳嗽氣塞痰多。久則食不甘便燥結胃津日耗不司供肺。況秋冬天降燥氣上加。漸至老年痰中之象。此清氣熱以潤燥。理勢宜然。倘畏虛日投滯補。益就枯燥矣。

桑葉 甜杏仁 白沙參 麥冬 天花粉

玉竹 甘蔗漿 雪梨漿 熬膏

錢二脈來右弦左垂陰虛濕熱遺精瘡蝕。

黃柏 知母 熟地 草薢 茯苓

達志 蜜丸

吳四久瘡不愈。已有濕熱。知機太早。陰未生成。早泄。致陽光易升。易降。牙宣。衄血。為濁。為遺。欲固其陰。先和其陽。仿丹溪大補陰丸。合水陸二仙丹。加牡蠣。金櫻膏丸。

注 腫自下起。脹及心胸。徧身肌膚赤癰。溺無便滑。濕熱積水。橫漬經隧。氣機閉塞。呻吟喘急。濕本陰邪。下焦先受。醫用桂附者。木邪蘊化。熱克斥三焦。以致日加凶危也。

又 濕邪留飲。發紅癰。胸聚濁痰。消渴未已。用木防已湯。

木防已 一錢 石膏 三錢 杏仁 三錢 薏仁 二錢

飛滑石 一錢 寒水石 一錢 通草煎湯代水

薛九腹滿下至少腹三陰都已受傷。而周身疥瘡數年不斷。脈絡中必有濕熱。就腹痛泄瀉。腑陽不通。不獨偏熱偏寒之治。常用四苓散。

猪苓

三錢

茯苓

三錢

澤瀉

一錢

生於朮

一錢

椒目

五分

何

煩勞之人。衛氣少固。霧露而濕。傷其流行清肅。瘡痍外發。脫

脇反痺。乃經脈為病。無關腑臟。

白茯苓

鉤藤

鬱金

桑葉

橘紅

白朮仁

覆方 氣室熱鬱。仍治上。可以通痺。

瓜蒌皮 鬱金 香附 蘇梗 杏仁

黑山梔

孫 寒鬱化熱。營衛氣窒。遂發瘡癰。食入即吐。胃中熱灼。當忌進
腥油。先用加味溫膽湯。

鮮竹茹 一錢五分 半夏 一錢五分 金石斛 三錢 茯苓 一錢五分

廣皮白 一錢五分 枳實 一錢 薑汁 一匙

單 瘡毒內攻。所進水穀不化。蒸變濕邪。漬於經隧之間。不能由
腸而下。膀胱不利。濁上壅遏。肺氣不降。喘滿。不堪著枕。三焦閉
塞。漸不可治。議用中滿分消之法。必得小便通利。可以援救。

葶藶 苦杏仁 桑皮 厚樸 茯苓皮

通草

大腹皮

猪苓

澤瀉

程 暑風必挾濕。濕必傷於氣分。斷瘡瘡發。即濕邪內發之徵。濕伏熱蘊。致氣壅塞。咽底脫中。及至進穀無碍。二便通調。中下無病。顯然。

白通草

西瓜翠衣

鮮蘆根

苡米

張 三瘡之邪在陰。未經向愈。春季洞利不食。想春雨外濕。水穀內聚。亦濕。即濕多成五泄之謂。瘡瘡僅泄。經隧濕邪未驅。長夏及受暑邪。上蒙清空諸竅。咳嗽耳聾。的係新邪。非得與宿病同日而語。

連翹

杏仁

飛滑石

嫩竹葉

荷葉汁

桑葉 象貝 黑山桅

張 瘡家濕瘡忌用表散。

蒼朮白虎湯加草果

黃 久瀉兼發瘡。是濕勝熱鬱。苦寒必佐風藥。合乎東垣脾宜升。胃宜降之旨。

人參 川連 黃柏 廣皮 炙草 於朮

羌活 防風 升麻 柴胡 神麴 麥芽

吳 二雨濕泛潮外來。水穀聚濕內起。雨因相湊。經脈為痺。治病繼以瘡。瘡漸致痿。頰筋弛。氣隧不用。濕雖阻氣。而熱蒸燥。及筋骨。久延廢棄有諸。

大豆黃卷

飛滑石

杏仁

通草

木防已

李 痿痺在下。肝腎居多。但素飲必有濕熱。熱瘀濕滯。氣血不行。筋縮。肌肉不仁。體質重著難移。無非濕邪深沈也。若論虛不該大發瘡痍。但久病非速攻。莫計效遲。方可愈疾。

細生地

當歸鬚

牛膝

黃柏

草薢

鹹菴蓰

生刺蒺

川石斛

吳 下焦痿痺。先有遺泄。濕瘍頻進。滲利陰陽更傷。雖有參耆朮。養脾肺。以益氣。未能救下。即如畏冷陽微。幾日飯後吐食。乃胃陽傾衰。應手外胃失職。但下焦之病。屬精血受傷。兩投柔劑。溫

通之補以腎臟惡燥久病宜通任督通攝兼施亦與古賢四斤
金剛健步諸法互參至於胃藥必須另用夫胃腑主乎氣氣得
下行為順東垣有升陽益胃之條似乎相悖然苓連苦寒非苦
降之味乎凡吐後一二日暫停下焦血分藥即用扶陽理胃二
日俾中下兩固經旨為陽明之脈束筋骨以利機關諒本病必
有合矣。

鹿茸

淡苳蓉

當歸

杞子

補骨脂

牛膝

柏子仁

茯苓

川斛

巴戟

楊瘡痍四肢偏多長夏入秋懶倦欲眠乾咳無痰頗知味所納
已少此陽明胃陰內熱致耗即熱傷元氣之徵當與甘藥養胃

陰以供肺。如金匱麥門冬湯去半夏。加黃耆皮。

吳脈不浮大。非關外風。初起右掌二指已不屈伸。頭面身半以上常有瘡泡之形。此乃陽明脈絡內留濕熱。若非厲氣吸入。定然食物中毒。姑與宣解緩攻。

連翹

犀角

赤芍

酒煨大黃

片薑黃

荆芥

又能食二便通調。臟腑無病。初因膿瘡。瘡愈有泡。自面及肢體。至於右肢掌屈伸皆痛。為脈絡留邪。以致隧道為壅。前方辛涼入血先升後降。已得小效。今製清脈絡壅熱。藉酒力以引導通營衛。亦一法也。

銀花

連翹

犀角

荊芥

生大黃

丹皮

黃芩

川芎

當歸

羚羊角

澤蘭

大豆黃卷

用無灰酒十斤浸

吳 瘡痍之後濕熱未去壅阻隧道水穀下咽亦化為痰中焦受病故不知飢痰氣上下漸至喘悶矣但服藥四十劑純是破氣消剋胃陽受傷痰氣愈不得去矣。

半夏

茯苓

紫老薑

炒梗米

又 瘡痍大發營衛行動於脈中脈外可免腹滿之累矣第穀尚未安適猶是苦劣多進之故胃陽未復仍以通調利濕主之。

半夏

茯苓

金石斛

茯苓

澤瀉

張 初因嘔吐是肝胃不和致病故辛香剛燥愈劇然久病必入
血絡熱則久瘡不愈矣夫木火皆令燥液易飢易飽間有嘔逆
斯胃病仍在凡呆滯藥味皆非對症

冬桑葉

茯苓

杏仁

三角胡麻

佩蘭葉

生首烏

苡米

鬱金

熬自然膏

楊 身瘦久瘡血分有熱精通之年最宜安養脈象非有病

生首烏

兩三

細生地

兩四

地骨皮

兩二

金銀花

兩一

生甘草

兩一

生白芍

兩二

丹皮

兩二

三角胡麻

兩一

五錢

搗碎水洗

蜜丸早服

王 脈來濡浮久瘡變幻未罷是衛陽疎豁不耐寒暄初受客邪

不解。混處氣血浸淫。僅在陽分肌腠之患。議升舉一法。氣壯斯風濕盡驅。

人參

川芎

當歸

防風

蠶蚕

蟬脫

炙草

生薑

大棗

生黃芪

鄒 痰因於濕久而變熱。變現瘡疾疥癬。已釀風濕之毒。混在氣血之中。邪正混處。搜逐難驅。四肢為甚。姑從陽明升降法。

連翹

防風

白鮮皮

酒浸大黃

赤芍

升麻

白僵蚕

滑石

汪氏風濕既久未解。化成瘡瘍。當以和血驅風。

當歸

赤芍

川芎

牛膝

牛蒡

夏枯草花 製僵蚕

某氏兩進柔潤清補頗投詢知病由乎悲哀煩勞調理向愈繼因目病服苦辛寒散太過遂經淋帶年前七八日始淨今則兩旬而止此奇脈內乏前議非証據述周身累現癢疹痞壘搔癢不甯想脂液入滲陰不內營陽氣浮越衛怯少固客氣外乘凡六淫客邪無有不從熱化內經以瘡瘍俱病皆屬於火然內症為急正不必以肌腠見病為治刻下兩三日間又值經至之期議進固脈實下佐以東垣瀉陰火意經至之先用此方

龜甲心 真阿膠 茯神 生白龍骨

旱蓮草 桑螵蛸 人參 知母 早上服

○膿裏

某 初病濕熱在經。久則癢熱入絡。膿瘍日多。未已漸而筋骨疼痛。金匱云。經熱則痺。絡熱則癢。數年宿病。勿事速攻。夜服白疾藥丸。

午服犀角

連翹心

丹參

野赤豆皮

元參

細生地

薑黃

桑皮

瘡疥者。證治準繩。有大疥。馬疥。濕疥。乾疥。水疥。五疥之分。外科心法。有乾濕蟲沙膿五種之異。又有心肺脾肝腎五藏之發。風熱濕虛實五字之辨。如此治瘡疥微疾。不勝其繁。就有瘡疥專科。治之不易。鄙意治瘡疥者。乾濕二字定之矣。若肌膚乾燥。瘦

則癢痛搔破出血或無血而起白屑此乃血燥生風風鬱化熱
經云諸痛癢瘡皆屬於心心屬火肝屬風火微則癢火甚則痛
惟風能消物火能燥物故肌膚乾癢而能癢痛也治宜養血熄
風清血中鬱熱若肌膚腫脹癢痛搔破滋水淋漓或釀膿窠此
乃風濕相搏稽留化熱經云熱傷皮毛則痛濕傷肌肉則腫汗
出見濕乃生瘰癧勞汗當風汗出為皴鬱為瘰如在表者急宜
解之經云汗出則瘡濕熱盛者治宜利濕清熱瘡有蟲者屬
濕物濕則朽朽則蟲生濕熱清則蟲亦除矣風濕熱邪初來脈
旺正盛先治其表瘡久正虛脈弱當固其本以上皆治瘡瘍之
大概也惟挾內證更宜思索或先治內或先治外兼治專治臨

證須有把握。藥劑誤投。為害豈可勝言哉。前案中云。誤投桂附。參朮。邪蘊化熱。充斥三焦。日致凶危。多服破氣消剋。胃陽受傷。瘡痍輕症。立方不易。今輯二十九方。條分縷晰。細心玩之。自然治外顧內之法。日有進階矣。余臨鴻註。

○熱毒

尹 環口燥裂而痛。頭面身半以上。發出癰疹赤紋。乃陽明血熱。久蘊成毒。瘦人偏熱。頗有是症。何謂醫人不識。

犀角地黄湯

○風疹塊

某 風塊癢癢。咳嗽腹痛。邪著表裏。當用雙和。

牛蒡子

連翹

杏仁

桔梗

桑枝

象貝母

煎藥送通聖丸

陳

脈左數實。血絡有熱。暑風濕氣外加。遂發疹塊。壅腫搔癢。是

屬暑瘍。

晚蚕沙

杏仁

連翹

滑石

防已

寒水石

黃柏

銀花

○紅瘰

某病濕挾風。身發紅瘰。服搜風之劑。外燥裏濕。外燥風愈烈。內

濕水益聚。膚裂水漬。始覺微癢。豈非濕泄而衛氣得行之據乎。

此症以治濕為本。而禁風燥之品。

乾首烏

石決明

生朮

川斛

梨汁

黑芝麻

細生地

桑葉

李發瘰癧腫。獨見正面。每遇九十月大發。五六月漸愈。七八年
來如是。因思夏令陽氣宣越。營衛流行無間。秋冬氣凜外薄。氣
血凝滯。此濕熱浸無發泄。乃少陽木火之鬱。及陽明蘊蒸之濕。
故上焦尤甚耳。法以辛涼佐以苦寒。俾陽分鬱熱得疎。庶幾發
作勢緩。

夏枯草

鮮菊葉

苦丁茶

鬱金

苡仁

羚羊角

黑梔皮

鮮荷葉邊

唐

麻木

忽高腫發瘰。必有風濕襲於皮膚。乃軀殼病。昔人每以

宣行通劑。

羚羊角

片薑黃

川桂枝

白芥子

撫芎

薑半夏

○白癩風

某 鬚眉白落。皮毛淖澤。脈來浮濇。此風也。非衰白也。三十六種。

同出異名。非淺可之疾。夏月宜食香風蛇。俗名即黑風蛇。與雞

煮食之。

此案耳食之學。吃蛇不知要吃幾條。

白歸身

菟蔚子

白麻

僵蚕

銀花

旱蓮草

夏枯草

赤芍

生地

江南地卑濕。蒸屬疫之氣最盛。蛇比他省高燥之處更毒。况烏

梢蛇罕有。倘誤食毒蛇為害更烈。豈堪同雞食乎。不若服蘄州白花蛇穩妥。此薛生白先生方也。細攷三家醫案。薛生白徵君繆宜亭進士。二先生。薛吐詞高古。筆力簡淨。識刻。繆用藥專以血肉腥臭。炫奇示異。當時文人墨客。重其名者。文也。論治病之法。案語精切。用藥遵古。惟葉天士先生為最。喻嘉言先生曰。雖醫學通於儒學。實係醫儒而不相關。徐靈胎王孟英二先生論之已詳。余不敢質言矣。余聽鴻註

○產後瘧瘍

吳 產後十二朝。先寒戰。後發熱。少腹疔痛。腹膨滿。下部腰肢不能轉側伸縮。小溲短少而痛。此敗血流入經絡。延及變為瘍症。

議用文加散。

小生地 炒查肉 生薑 車前 牛膝

五靈脂 調入琥珀末一錢

又十六朝諸症稍減。每黃昏戌亥時。衝氣自下而上。至胸中。即脹悶。肢冷汗出。右腹板實。此厥陰肝臟因驚氣逆。今惡露未清。重鎮酸斂。均為暫忌。擬和血調血為穩。

歸鬚 炒桃仁 延胡 小茴 川棟

官桂 炒查肉 香附

又人參 當歸 白芍 炙草 茯神

香附 廣皮 桂心

○潰瘍

挑潰瘍久不壓。氣血耗盡。中宮營液枯涸。氣不旋轉。得湯飲。則痰涎上湧。勢如壅隔。久病若是。藥餌難挽。勉擬方。

人參

炒麥冬

代赭石

化橘紅

某服瘍科寒凝之藥。以致氣沖作脹。喘急不臥。無非濁陰上攻。議

來復丹。

某瘡瘍服涼藥。陽傷氣阻。脫悶不運。腹膨。最怕瘍毒內閉。急宜通陽。

連皮杏仁

廣皮

澤瀉

大腹皮

茯苓皮 薑皮

厚樸

桂枝木

程 瘍毒熱症與參芪不效。即當清解。為是消導。亦是非合。今者身熱至晡。神識欲昏。便溏溺赤。煩渴。是暑氣攻入內侵肺胃。有痙厥之變。昨用宣肺解毒。雖與暑邪無益。然亦無害。若加黃芪。又屬相反。大凡熱氣蒙閉清竅。都令神昏。當以牛黃清心丸清痰氣之阻。使其竅開。况暑門中。大有是法。與解毒勿悖矣。此方瘍科治內症。毫無把握。先以參芪。後以消導。再以宣肺解毒。又以黃芪。補來乾隆時已經如是。何況今時之醫道日衰也。

胡 納食主胃。運化主脾。瘡瘍痛潰。臥床不得舒展。臟腑氣機呆鈍。何疑外科守定成方。芪朮歸地。不能補托。氣血反壅滯於裏。出納之權交失。且是症乃水穀濕氣下垂。而致結於足厥陰手

陽明之界。若濕不為盡驅。藉補托以冀生機。養賊貽害。焉能濟事。外科守定成方。堅牢難破之疾。故外科方禁至今未傳。就薛立齋醫案大半皆有妝飾。陳修園曰。薛氏案說。騎牆不若臨症。隨記方案。曉暢之。

金石斛 金銀花 槐米 茯苓

晚蚕沙 寒水石

顧脈微小。潰瘍半月。餘腫未消。濃水清稀。浮腫汗出。嘔惡惡食。此胃陽垂敗。癰毒內攻。欲脫。夫陽失煦。則陰液不承。元氣撤則毒愈瀰漫。清解苦寒。究竟斷伐生陽。議甘溫。胃受培植其本。冀陷者復振。余非瘍醫。瘍醫立方難脫內科範圍。按色脈以推其理耳。

加桂理中湯

曹 因瘍漏過進寒涼。遂患腰痛。牽引脊脊。今晨起。周身不得自
如。乃經脈絡脈之中。氣血流行失暢。久病諒非攻逐。議兩和方
法。

羚羊角 當歸 黃芪 桂枝 桑枝

白茯苓

顧 潰瘍。不合成漏。脂液滲去。必腸絡空隙。內風暗動。攻胃則嘔
逆。吞酸。腹痛。泄瀉。不食。津液不升。舌焦黑。不渴飲。內外兼病。難
治之症。

人參 一錢 炒烏梅肉 五分 生淡薑 五分 茯苓 三錢
同煎
白芍 一錢 炒黑川椒 三分 炒廣皮 一錢
五分

某 瘍潰。膿血去多。元真大耗。脈無力。不嗜食。惡心。中州不振。寐則驚惕。神不守也。以養營法。

人參 熟術 廣皮 茯神 炙草

歸身 白芍 五味 棗仁

顧 久損漏瘍。胃減腹痛。議用戊己湯意。

人參 茯神 白芍 甘草 炒兔絲子

某 八瘍損。能食。身熱。六味湯加青蒿節。

徐 營傷心。辣納食無味。此瘍痛大虛。當調其中。

人參 歸身 茯神 木瓜 炙草

熟術 廣皮 炒白芍

某膿血去多。痛猶未息。胃傷不嗜穀。口無味。左關尺細弱無力。正虛之著。據理進藥。仍宜補托。

人參

熟地

玉竹

丹參

歸身

茯神

棗仁

遠志

柏子仁

風熱火。其性善行而數變。濕性屬陰。善凝滯。外受風熱。或雨露之濕。中於表分。挾風熱混處於氣血之中。故熱毒風疹塊紅瘰發矣。肌表受病。尚淺。用藥看其偏於風。偏於濕。偏於熱。擇其要而治之。自然易解。不必重藥。標其裏。反使表邪入裏。今輯六方。參酌。可得其深意焉。○白癰風一症。內經風論簡而易明。風氣藏於皮膚之間。內不得通。外不得泄。此二語何等明白曉暢寒客於脈中。

不知名曰厲風

一厲字包括在表之風輕重各症皆在焉

五藏五色風肺風診在眉

上其色白肺色白主氣陳實功曰紫白癰風乃是一體而兩種

也紫因血滯白因氣滯總因熱體風濕所侵凝滯毛孔氣血不

行所致

言分氣血之滯亦宋內經脫化

金匱風論亦云風濕襲於營衛經脈痺

而不通之意皆以理氣養血之中參祛風之品仲聖有三味黃

芪丸黃芪防風湯侯氏黑散越婢等法及各大家之方參酌盡

善治風之法有餘多立名目反致感亂內經除厲風之外皆內

疝五藏風五色風首風漏風內風目風腸風泄風胃風偏枯等

皆於外科不涉後人附會立名更多在外之風曰大麻瘋蛇皮

瘋邪昧瘋血瘋鵝掌瘋鼓椎瘋血痺瘋蠟糕瘋痛瘋癩瘋軟癰

瘋戴毛瘋歷節瘋

金匱歷節痛並不言風

紫雲瘋乾瘋刺瘋癢瘋白癡瘋

泥壁瘋癰瘋症瘋冷瘋漏蹄瘋蝦蟇瘋核桃瘋熱瘋水瘋雁來

瘋雞爪瘋螻蛄瘋釋曳瘋蟲瘋疔瘡瘋疾瘋遊瘋瞶瘋頑瘋順

瘋癰瘋尚有內症雷頭風偏正頭風半邊風牽筋風四柱風繡

球風脚了風牽涉內外題出許多名目故病名愈多治法愈亂

今日市上另有瘋科專治七二般瘋氣雖云瘋科內外各風症

皆能治者實屬寥寥不過捕影捉風之法耳孫真人曰厲風嘗

治數百人終於一人不免於死者蓋無一人能守禁忌耳惟一

婦人病愈後服加減四物湯百餘劑半年之上方得經行十分

全愈朱丹溪曰治五人亦惟一婦得免以其貧甚且寡無物可

吃也。照此論之他事當禁忌忌口亦是其事餘皆越二三年復作而死。以此觀之。

肌肉毒風皆是惡疾。徐靈胎曰：更可駭者，瘡瘍之症最重忌口一切鮮毒，毫不可犯。無書不載，乃近人反令病者專服毒物，以為以毒攻毒。夫解毒尚恐無效，豈可反增其毒？種種謬誤，不可殫述。治瘋之方不下數百，見牛黃搜風丸三十八味中有香蛇一條，去骨酒浸作丸。桐子大，每日服七十九服，五日表汗一次。忌牛羊猪雞鵝等有毒。及動風果品。遠酒色。戒憂怒。慎寒暑等語。薛公尚然白癩風之輕症，縱人食蛇食雞，何況後人效而尤之矣。又惡病論疾風有四百四種，更不能細言矣。從中一症分數名重複可厭。如宋太史嘲作詩者云：關門閉戶掩柴扉，即此

類也。吾幼時看三家醫案。及此。吾師費蘭泉先生言此一論。吾師已逝十四年矣。今兩牕無事。追憶錄此。以誌感慨。師曰。治風之法。名目雖多。將一風字放在心上。譬如肌膚之風初起。急宜解表取汗。而驅其風。若滯於氣。宜理氣祛風。若滯於血。宜和血熄風。若挾毒厲之氣。宜解毒祛風。挾濕者。利濕祛風。挾熱者。清熱涼血祛風。氣虛者。壯其氣。氣盛則風自行。血虛者。補其血。血行風自熄。若中風亦要理會風字。或夾痰夾熱等。亦不能動撒溫補。風為陽邪。風火易於相煽。辛熱之品。亦要謹慎。倘溫補辛熱誤投。多致不救。吾師曰。則此數語。治內外諸風。見其大概矣。經云。知其要者。一言而終。不知其要者。流散無窮。此之謂也。師

又云治外瘋各方。有用大腹蛇。活蝦蟆。與火赤煉開過火龍。即

人生漆。斑蝥等。又楓茄花。人牙毒。蜈蚣。樟腦。鉛粉。麝香之類。不

可輕用。恐病輕藥重。中毒而死。或積毒臟腑。致成痼疾。此等方。

誤者亦多。效者亦廣。究屬是醫學中楊墨之學。非孔孟之道。大

楓肉多服。亦能傷目。何況毒物乎。此吾師諄諄訓誨之語。質之

高明。以為何如。產後瘰癧。本是內症。今錄三方。亦備一格。余聽

後錄潰瘍漏瘍等十三方。案中言之已詳。或過服寒涼。陽傷氣

阻。或誤投芪朮。繼則消導。致暑內閉。或多進歸地。補塞壅滯氣

機。此皆瘍科誤治。欲壞之症。就診於內科。亦不能推諉。徐靈胎

先生批葉氏案云。瘡瘍愈後。治法合度。方案和平。經正。因非專

家則尚無把握耳。專科一切丸散外治有一定之法。一有不備。即不能建愈功。內科精明。不知外科。得醫術之半。余思內科辨症不明。無醪醴湯液丸散丹針摩浴熨一定治法。外科治法不精。無刀針圍貼消散丸散丹一定治法。皆得醫術半中之半。不及耳。余揣摩半生。尚未得醫術半中之半。每臨症後。恐有錯誤。痛懲已過。抱影自慙。今輯斯書。欲內外兩科合而為一。得醫術之全體。蒼生之幸也。此卷中。胃癰腸癰門觀之。自知醫術之難全耳。

外科之有瘋科。專治七十二種風氣。今有專治傷寒科者。妄立傷寒許多名目。言之解頤。聽之噴飯。有漏底傷寒。發癰傷寒。堅

頭傷寒。濕溫傷寒。夾食傷寒。夾經傷寒。夾陰傷寒。發狂傷寒。夾
驚傷寒。扣頭傷寒。則足傷寒。瘟疫傷寒。夾驚傷寒。夾氣傷寒。夾
痧傷寒。醫者不言此等偽名。醫不得行。對病家不言此等偽名。
病家不信。相沿成習。故而尤之。病家問醫曰。病者何病。答曰。傷
寒病。是何傷寒。見其稍有下痢者。曰。漏底傷寒。病家得意曰。先
生高明。果然漏底傷寒。若初病邪阻於膈。不舒。問曰。何病。答以
夾食傷寒。恐明日要變發狂傷寒。若發熱嚙語。倘熱甚煩燥。起
坐不安。曰。發狂傷寒。今又變豎頭傷寒矣。諸如此類。余讀書不
成。商賈無資。藉此小道為衣食計。或出此言。識者可恕。有高明
之士。竟言之於口。書之於方。豈非為識者笑乎。又有小兒病之

偽名。有反弓驚蛇。舐驚老鴉驚等。數十種偽名。幼科之外。另立驚科。專治一切急慢驚風。病家問答。以此類推。即為行醫之捷徑。致富之良箴。惟願急挽此風。若如三十六癩。數十種驚風等偽名。已刊板行世。倘各傷寒偽名。附會成書行世。後日害不勝言矣。余聽鴻誌。

瘡疥不能多搽水銀硫黃。余幼時見鄰孩搽。徧體掀腫。氣阻而死。又有藥肆夥。身上有蟲。搽水銀太多。後齒縫出血。腐爛臭穢不堪。一籌解毒清涼罔效。五六日即斃。皮毛內應藏府。外治之藥。不可不慎也。余聽鴻誌。